

四庫全書

子部

欽定四庫全書

名賢氏族言行類稿卷十九

宋 章定 撰

包 三百八十八

姓纂楚大夫申包胥之後以父王字為氏焉

後漢包咸字子良會稽人習魯詩論語除郎中入授皇
太子論語遷大鴻臚每進見錫以几杖經傳有疑遣
小黃門就舍即問 常特賜珍玩束帛俸祿增於諸

卿皆散與諸生之貧者

北史儒林包愷字和樂東海人兄愉明五經愷悉傳其業又受史記漢書尤稱精究仕隋為國子助教遠近聚徒教授數千人

宋朝包拯字希仁廬州合肥人也舉進士以大理評事知建昌縣辭以親年老改和州管庫而親不欲去鄉里遂解官就養及親亡廬墓側終喪不忍仕久之知天長縣有訴盜割牛舌者拯曰第殺而鬻之俄有告

私屠牛者拯曰已割其舌矣非私殺也盜色變遂引服徙知端州入為監察御史建言國家取士用人不得實歲賂戎狄非禦戎之策又言諸路轉運加按察使之名以苛察相尚奏劾官吏更倍於前皆摭撫細故使吏不自安詔為罷之使契丹敵之典客曰雄州開便門欲誘納叛人刺候疆事邪拯曰誠欲刺之自有正門何必便門也此豈開涿州門邪敵有沮色入為三司戶部副使奏罷斜谷務造船材木十萬及罷

七州河橋竹索數十萬奉使河北言牧馬占邢洛趙
三州沃壤萬五千頃悉請以為民事多施行擢天章
閣待制知諫院張堯佐挾貴妃以請自三司使拜宣
徽節度景靈羣牧四使拯上疏切諫阻堯佐卒奪其
宣徽景靈二使拯數論斥大臣請罷一切內降又錄
唐魏鄭公三疏請置坐右及別條七事言明察聽納
辨別朋黨愛惜人才不主先入之說蕩去疑法條責
臣下牽錄微過其論甚美除龍圖閣直學士復為河

北轉運使知瀛州除放一路所負回易公使錢十餘萬仍奏請諸州毋得回易公使錢徒揚廬二州廬即拯鄉里也親黨有犯法者拯無少貸焉召知開封府舊制訟牒令知牌司收之於門外拯使徑至庭下辨曲直吏民不敢欺京師大水拯以勢家多置園第惠民河上歲久湮塞遂盡毀去中貴人偽增地契步數者拯奏劾之權貴為之斂迹嘉祐三年除右諫議大夫御史中丞上疏請立皇嗣仁宗喜乃曰當徐議之

拜禮部侍郎樞密副使終于位諡孝肅 拯為人不苟合未嘗偽辭色以悅人平居無私書故人親黨亦皆絕之人多憚其方嚴仕已通顯奉已儉約如布衣時

巢 三百八十九

姓纂有巢氏之後堯時有巢父夏殷有巢國左傳吳有巢牛臣後漢司空巢堪

宋朝巢谷字元修眉州眉山人也嘗舉進士京師見舉

武藝者心好之谷素多力遂棄其舊學蓄弓箭習騎射久之業成而不中第去遊秦鳳涇原間所至友其秀傑蘇軾責黃州與谷同鄉幼而識之因與之遊及軾與其弟轍在朝谷浮沉里中未嘗一見紹聖初軾轍謫嶺海平生親舊無復相聞者谷獨慨然自眉山誦言欲徒步訪兩蘇聞者皆笑其狂谷至梅州遺轍書曰我萬里步行見公不自意全今至梅矣不旬日必見死無恨矣轍驚喜曰此非今世人古之人也既

見握手相泣已而道平生逾月不厭時谷年七十三矣將復見軾於海南轍慙其老且病止之曰君意則善然自循至儋數千里當復渡海非老人事也谷曰我自眎未即死也公無止我留之不可則資之以行至新會有蠻隸竊其囊裘以逃獲於新州谷從之至新遂病死

元修之賢潁濱先生筆之於傳謂谷於朋友之義無愧高恭者此豈無意哉定故表而出之

茅 三百九十

姓纂周公第三子茅叔封茅國子孫以國為氏焉左
傳邾大夫茅地弟夷鴻史記秦有茅焦神仙傳有茅
盈

通鑑茅焦諫秦始皇之遷太后解衣伏質始皇下殿手
自接之曰先生起就衣今願受事乃爵之上卿

後漢茅容字季偉郭林宗嘗寓宿於容旦日殺雞為饌
林宗謂為已設既而以供其母自以草蔬與客同飯

林宗起拜之曰卿賢乎哉因勸令學卒以成德

膠 三百九十一

姓纂殷末賢人膠鬲之後

曹 三百九十二

姓纂顓頊玄孫陸終第五子安為曹姓至曹挾周武
王封之於邾為楚所滅遂復曹氏周文王第十三子
振鐸封曹亦為曹氏為宋所滅子孫以國為氏

左傳莊公十年齊師伐我公戰于長勺公將鼓之曹劌

曰未可齊人三鼓剋曰可矣既克公問其故曰夫戰
勇氣也一鼓作氣再而衰三而竭彼竭我盈故克之
夫大國難測也懼有伏焉吾視其轍亂望其旗靡故
逐之

襄公二十三年齊侯伐衛曹開御戎

僖公二十四年富辰曰昔周公封建親戚曹滕畢原文
之昭也

國語曹劌曰惠本而後民歸之志民和而後神降之福

新序曹劌謂魯莊公曰齊之侵魯至於城下君不圖與君請當其君臣請當其臣及會劌曰願請汶陽田齊桓公許之

史記曹卹字子循孔子弟子

刺客曹沫魯人以勇力事莊公為魯將齊魯會盟于柯沫執匕首劫齊桓公盡歸魯之侵地

曹參沛人高祖初起參以中涓從至為丞相號曰平陽侯後為齊相使人厚幣請蓋公蓋公為言治道貴清

靜而民自定於是避正堂舍蓋公其治用黃老術齊
國安集大稱賢相 蕭何卒參告舍人趣治行吾將
入相居無何使者果召參參去屬其後相以齊獄市
為奇慎勿擾也代何為相舉事無所變更一遵何約
束 飲醇酒不事事 百姓歌之曰蕭何為法較若
畫一曹參代之守而勿失載其清靜民以寧一 多
攻城野戰之功 諡懿侯子窋代侯 蕭何傳曹參
身被七十創攻城畧地功最多宜第一 又贊曰依

日月之末光為一代之宗臣

曹襄參之孫也以平陽侯為後將軍出定襄

後漢曹褒字叔通父充持慶氏禮為博士 褒結髮傳

父業舉孝廉遷圉令以禮理人以德化俗撰次漢禮

為百五十篇 博物識古為儒者宗教授諸生千餘

人

魏志曹仁字子孝數有戰功封安平侯 將軍真天人

三軍服其勇 後拜大將軍

曹洪字子廉拜驃騎將軍封樂城侯

曹休字文烈太祖曰此吾家千里駒也以戰功累轉將軍遷大司馬都督揚州封長平侯

曹真字子丹以戰功遷大將軍封邵陵侯遷大司馬不恃親戚之寵不驕白屋之士五子皆封列侯

晉書曹志字允恭以材行稱遷章武趙郡太守以達學通識宜在儒林為國子博士後遷祭酒

良吏曹攄字顏遠少有孝行補臨淄令辯寡婦之寃時

稱其名獄歲夕縱死囚歸家克日而還一縣歎服號
曰聖君百姓懷之

文苑曹毗字輔佐少好文籍善屬詞賦察孝廉除郎中
後為下邳太守以名位不至著對儒以自釋沉研秘
籍踈足下寮累遷至光祿勳

鄭袤妻曹氏事舅姑甚孝躬紡績之勤以充奉養至於
叔妹羣娣之間盡其禮節咸得歡心

南史曹武字仕威在齊轉右衛將軍 子世澄世宗並

蒙梁武帝擢迭為大郡世宗性嚴明頗識兵勢

曹景字子震梁武時為右衛將軍大破魏軍於鍾離進
爵為公

北史曹世表字景昇性雅正涉獵羣書為司徒記室除
清河太守臨官省約百姓安之

唐曹華宋州人烏重胤討蔡請華自副戰青陵城拔凌
雲柵以功封陳留郡王蔡平進棣州刺史 自李正
已盜齊魯俗益汙驚華下令曰鄒魯禮義鄉不可忘

本云云人乃知教 華雖出戎伍而動必由禮愛重
士大夫不以貴倨人

曹憲公卿多從之游於小學家尤邃自漢杜林衛宏以
後古文亡絕至憲復興煬帝令與諸儒譔桂苑珠叢
規正文字又注廣雅學者推其該博貞觀中以弘文
館學士召不至太宗嘗讀書有奇難字輒遣使者問
憲援驗詳複帝咨尚之憲始以梁昭明太子文選授
諸生而李善相繼傳授於是其學大興

宋朝曹彬字國華真定靈壽人也父芸成德軍兵馬使彬始生周歲日父母陳諸玩具羅於席觀其所取彬左手持干戈右手取俎豆斯須取一印他無所觀人皆異之既長氣質純厚乾祐中為成德牙將周太祖貴妃張氏彬之從母也彬歸京得隸世宗帳下出使吳越訖事即行不受私覲吳越以輕舟遺之曰不納是近名也遂受而歸盡輸內帑世宗彊還之欲辭不獲悉以分親舊而一介不取宋興與王全斌郭進屢破北

寇太祖伐蜀峽中郡縣悉下諸將皆欲屠城殺降彬獨任恕而戢下所至悅服太祖降璽書褒之蜀平時諸將多有子女玉帛彬橐中惟圖書衣衾而已太祖以王金弑等貪縱不法屬吏而謂彬清介廉謹拜宣徽南院使義成軍節度使彬辭曰伐蜀將士俱得罪臣以無功獨蒙褒寵恐無以勸天下太祖曰卿有茂功加以不伐設有微累全弑等豈惜言哉夫懲惡勸善朕所以勵臣下也彬乃不敢辭太祖伐江南以彬

將行營之師進圍金陵李煜危甚遣其臣徐鉉奉表
詣闕乞緩師彬亦緩攻冀煜歸服使人諭之曰事勢
如此所惜者一城生聚若能歸命策之上也城垂克
彬忽稱疾不視事諸將皆來問疾彬曰余之病非藥
石所愈惟須諸公誠心自誓以克城之日不妄殺一
人則自愈矣諸將許諾共焚香為誓明日稱愈遂克
金陵城中皆按堵如故李煜與其臣百餘人詣軍門
請罪彬慰安之待以客禮煜之君臣賴以獲免自出

師至凱旋士衆畏服其軍政如此及入見以膀子進稱奉敕江南幹事回其謙恭不伐又如此初彬之總師也太祖謂曰侯克李煜當以卿為使相已而還朝獻俘太祖曰本除卿使相然劉繼元未下姑少待之乃賜彬錢二十萬彬曰人生何必使相好官亦不過多積金錢耳未幾拜樞密使忠武軍節度使太宗即位加同平章事太宗議征太原召彬問曰今吾欲北征卿以為何如彬曰以國家兵甲精銳剪太原之孤

壘殘壁推枯拉朽耳何為而不可太宗意遂決從平
太原加兼侍中真宗即位同平章事兼為樞密使咸
平二年被疾真宗親侍臨問手為和藥仍賜以白金
萬兩問以後事對曰臣無事可言臣二子桀與瑋材
器有取臣若內舉皆堪為將軍真宗問以優劣對曰
桀不如瑋薨真宗惻然震悼對輔臣語及彬必流涕
贈中書令追封濟陽侯郡王謚曰武惠與趙普配饗
太祖廟庭

曹翰大名人也少為郡小吏周太祖鎮鄴奇之以隸世宗帳下世宗鎮澶淵以為牙校及尹開封翰猶在澶淵聞太祖寢疾不俟召見世宗密言曰王為冢嗣不侍醫藥何以副天下望世宗悟入侍禁中以府事命翰總決世宗即位補供奉官稍遷樞密承旨太祖征蜀以翰為均州刺史鑿山開道師旅以濟詔翰兼轉運使而糧餽不乏蜀平全師雄擁衆十萬叛翰與曹彬劉光義討平之又軍校呂翰盜據嘉州翰及諸將

奪其城謀知賊欲三鼓復攻城戒擊柝使緩向晨猶
二鼓賊衆不集而潰遷蔡州團練使改潁州從征太
原會河決翰董其役指日而訖事後復有決其績用
亦然將征江南翰兵先赴荆南以翰為先鋒使克池
州金陵平江州軍校胡德據城拒命翰率兵討之凡
五月而拔翰怒屠其城無噍類又役兵八百所奪金
帛以億萬計偽言欲致廬山羅漢鑄像於京師因調
巨艦百艘載所得以歸以功遷桂州觀察使判潁州

從太宗征太原又從征幽州所部攻城之東南隅卒掘土得蠃以獻翰謂諸將曰蠃水物而陸居失所也且多足慮救將至不可進拔之象其班師乎已而果然除威塞節度使仍判潁州命攻幽州詔督役開河自雄至莫以通漕運輸遣徒伐木於邊地授五騎以五色旗為斥候如遇寇舉白旗有林木舉青旗煙火舉赤旗陂澤舉黑旗丘陵舉黃旗以為應又起烽燧于境上敵疑而不敢近塞事遂濟乃歸鎮召入為左

千牛衛上將軍卒諡武毅 翰陰險多智數飲酒至
數斗不亂對上奏事雖數十皆默記不少差

曹光實字顯忠雅州百丈人也父疇仕蜀為靖南軍使
疇卒光實繼莅其職蜀以光實為永平軍節度使太
祖命王全斌等平蜀既而羣盜蜂起夷人張樂忠者
率衆數千黑夜掩至環光實所居鼓噪而進光實舉
家三百口皆操戈突圍以出賊衆避易不敢近光實
詣全斌白其事誓雪冤憤時蜀中諸郡未下乃圖雅

州地形要害兼陳用兵攻取之意全斌壯其勇遂令將兵果克其城獲樂忠而甘心焉全斌以光實為黎雅州都巡檢使安集勞來民夷懷之召還太祖喜曰此蜀中之俊傑也以為黎州刺史遷唐州團練使

從子克明

曹克明字堯卿父光遠為夷賊所害克明尚幼有妾匿之葦薄中得免既長曉兵法善騎射光實既沒克明時為牙內虞侯從行秘不發喪使人傳光實命回兵

銀州乃與其僕潛入虜中獲光實尸還葬京師先是蜀人禁不許還其鄉克明以母老趣道而歸李順反求克明欲用之克明乃攜母遁山谷間及賊陷雅州克明集潰兵七千人又募丁壯三千遂復名山火井夾江等九縣立七砦於嘉眉邛州界分兵擊賊因復雅州補西頭供奉官監兵黎州以餘賊未平徙邛州乃為書三十六遺溪洞酋長諭以朝廷恩信悉來赴承天節宴并遺以篋衣咸感泣而去獨洪洞恃險不

至克明領兵攻之斬其首領會撫水州蠻叛以克明
為宜容等十州巡檢使乃領兵深入克明意士卒有
退志命後軍伐大木絕歸路且行且戰踰月至撫水
州知州蒙承貴出降克明謂曰爾三十餘年為邊患
止謂官軍不能至爾今天子好生不欲絕爾類姑許
自新皆復拜感激命歃血為誓勒銘於山而還奏改
撫水州曰安化州既平徙知桂州始置洞溪司而兼
領之嶺外居人結茅為屋雖嚴火禁不能弭患克明

激以水入城夾道分流以為之備又命北軍教以陶
埴民始為瓦舍自是其患遂罕代還知滁州又知鼎
州曾交趾李公蘊寇邕州改文思使知邕州時克明
老矣或勸以不宜南去克明曰天子不以吾衰老委
之邊事安可止耶至則遣人入交趾諭以利害公蘊
上章謝罪遷西上閣門使復知鼎州卒

曹利用字用之趙州人也其父諫明經及第至右補闕
假崇儀使利用少有志節讀書略通大義以諫遺恩

授殿前承旨轉右班殿直廊延路走馬承受公事景德初契丹南牧真宗用寇準計親御六軍渡河而斃其貴將撻覽契丹有求和意朝廷知之是時利用適奏事行在以利用使于兵間利用言儻得奉君命雖死無所避即日授閤門祗候假崇儀副使奉書以行真宗曰契丹如貪歲賂乃國家細事或求關南之地當以理絕之利用對曰彼若妄有所求臣不敢生還真宗壯其言利用見敵果首及關南地利用曰若歲

求金帛尚恐大臣議或不同割地之議死不敢聞若
爾則兩國之兵未有休時矣敵度不可屈遂決通好
之議而與報使同至復致書幣以往許其和好仍歲
遺銀絹三十萬使還擢東上閣門使忠州刺史天禧
中拜樞密加同平章事宰相李迪面斥丁謂姦邪利
用馮拯皆有朋黨利用曰以片文遇主臣不如迪若
捐軀入不測之地迪不如臣卒以利用兼太子少保
進右僕射仁宗即位進封魯國公卒

曹覲建州人也故贈諫議大夫修古之姪為諫官有直名無子以覲為嗣而奏以官累遷太子中舍知封州儂智高反覲自佩郡印與兵馬監押陳旌率州兵百餘人禦賊力不勝遂為賊所執以郡印授二卒使懷去賊諭欲用之覲叱曰犬彘敢爾邪遂見殺封之人為覲立廟歲時祀之朝廷贈覲太常

曹緯字元象潁昌人元符三年擢進士第與劉燾元言瞿執柔劉正夫乾德初在太學號四俊性豪邁作字

行楷有法嘗謂一點一畫若不稽古則位置中不穩
順調貴池尉秦少游曰若置君詩於少陵集中誰曰
不然正如李光弼提郭子儀兵當益精明耳有詩文
號秋浦集

曹組字元寵元象弟也少游庠校有聲著鐵硯篇以自
見凡六舉蹭蹬不遇宣和中徽宗皇帝親洒宸翰以
賜曰曹組文章之士嘗命題作賦限一日投進援筆
立就文不加點深得古風詔赴殿試賜進士第錫予

甚厚家有五世喪貧未能葬創起松楸盡舉諸櫬鄉里送喪車徒以千衆綿亘數里後行相國寺中有人謂曰君顏間有墳墓陰德氣當延十年壽因忽不見平生所為詩文謝克家任伯為作集引而尊俎間滑稽之詞人喜傳誦至於詩文敏妙世罕知之其子勛有詞藝出疆專對累遷承宣使豈所謂不在其身必在其子孫者乎

百家詩選

毫人曹元寵善為謔詞所著紅窗迥者百餘篇雅為

時人傳頌宣和初召入宮見於玉華閣徽宗顧曰汝
是曹組耶即以回波詞對曰只臣便是曹組會道閒
言長語寫字不及楊球愛錢過於張補帝大笑球補
皆當時供奉者因以譏之常著方袍頂大帽從小奚
奴負一酒壺遇貴介必盡醉入索酒滿壺而歸壺上
刻銘云北牕清風西山爽氣醉鄉日月壺中天地組
官止班行其子勛遭際建炎龍飛富貴四十年位至

太尉

見容軒
隨筆

陶 三百九十三

姓纂陶唐氏之後因氏焉虞思為周陶正亦為陶氏陶叔為周司徒漢功臣開封侯舍生青為丞相

左傳定公四年殷民七族陶氏施氏封畛土略自武父以南及圃田之北竟取於有閭之土以共王職

後漢陶謙字恭祖後遷安東將軍徐州牧

晉書陶璜字世英父基在吳為交州刺史璜有謀策周窮好施為交州牧在南三十年威恩著于殊俗子

威蒼梧太守甚得百姓歡心 威弟淑子綏並為交

州

陶侃字士行為武昌太守 後為廣州刺史在州無事

朝暮運甓曰吾方致力中原過爾優逸恐不堪事

常惜分陰 引接疎遠門無停客 竹頭木屑悉令

掌之 破蘇峻於石頭 都督荆江等八州 子瞻

字道真少有才器歷廬江建昌二郡太守

陶臻字彥遐有勇略智謀為南郡太守 臻弟興果烈

善戰以功遷武威將軍

陶回轉州別駕 為吳興太守時饑穀貴輒便開倉廩
以賑之一境獲全

隱逸陶潛字處靜好導養之術 好讀易善卜筮 於
長沙臨湘山中結廬居之

隱逸陶潛字元亮號五柳先生 欲弦歌以為三逕之
資乃為彭澤令不能為五斗米折腰乃賦歸去來辭
解印去縣自謂羲皇上人蓄無絃琴曰但識琴中趣

何勞絃上聲 冷齋夜話云李格非善論文章嘗曰
諸葛孔明出師表劉伶酒德頌陶淵明歸去來詞李
令伯陳情表皆沛然如肺肝中流出殊不見斧鑿痕
東坡先生云孔子不取微生高孟子不取於陵仲子
惡其不情也淵明欲仕則仕不以求之為嫌欲隱則
隱不以去之為高饑則叩門而乞食飽則雞黍以迎
客古今賢之貴其真也又云吾前後和其詩凡百有
九篇至其得意自謂不甚愧淵明然吾之於淵明豈

獨好其詩也哉如其為人實有感焉淵明臨終疏告儼等吾少而窮苦每以家弊東西遊走性剛才拙與物多忤自量為已必貽俗患僂僂亂世使汝等幼而饑寒淵明此語蓋實錄也吾真有此病而不早自知半世出仕以犯大患此所以深愧淵明欲以晚節師範其萬一也 苕溪漁隱曰淵明坐止於樹蔭之下則廣廈華堂吾何羨焉步止於華門之裏則朝市聲利吾何趨焉好味止於噉園葵則五鼎方丈吾何欲

焉大歡止於戲稚子則燕歌趙舞吾何樂焉在彼者
難求而在此者易為也淵明固窮守道安於丘園疇
肯以此易彼也乎

東坡先生洪範覺茗溪漁隱淵明之論甚高定故表
而出之

南史孝義陶季直五歲喪母哀如成人其後徵召不起
號曰聘君 孝義陶子鋸字海育秣陵人也

隱逸陶弘景字通明永明中脫朝服挂神武門止于句

容句曲山自號陶隱居

讀書萬餘卷


心如明鏡

過

宋朝陶穀字秀實邠州新平人也北齊尚書令唐邕唐
內史唐儉皆其遠祖因避晉高祖諱更為陶幼有俊
才起家為校書郎宋興歷禮刑戶部三尚書遷承旨
乾德初郊祀法物制度多穀所定又乘輿大輦久亡
其制穀立意造之至今用焉卒贈右僕射太祖將受
禪未有禪文穀在旁出諸懷中而進之曰已成矣

性傾險巧詆其進緣李崧崧之死穀自謂有力焉周
世宗召魚崇諒為學士未至穀譖之以為顧望而遂
代其任世宗謂趙上交多謁告穀乃及其受門生名
園事而上交被黜自言頭骨當珥貂冠蓋有意大
用也人咸笑之

陶弼字商翁元豐中為崇儀使知邕州山谷先生作
誌銘稱其有文武之才而可其詩



名賢氏族言行類稿卷十九

靜而民自定於是避正堂舍蓋公其治用黃老術齊
國安集大稱賢相 蕭何卒參告舍人趣治行吾將
入相居無何使者果召參參去屬其後相以齊獄市
為寄慎勿擾也代何為相舉事無所變更一遵何約
束 飲醇酒不事事 百姓歌之曰蕭何為法較若
畫一曹參代之守而勿失載其清靜民以寧一 多
攻城野戰之功 諡懿侯子宙代侯 蕭何傳曹參
身被七十創攻城畧地功最多宜第一 又贊曰依

欽定四庫全書

名賢氏族言行類稿卷二十

宋 章定 撰

高

三百九十四

姓纂齊太公六代孫文公子高孫侯以王父字為氏
左傳桓公五年諸侯伐鄭鄭禦之高渠彌以中軍奉公
為魚麗之陳

閔公二年冬齊高子來盟

成公十五年經叔孫僑如會高无咎於鍾離 傳會吳
於鍾離始通吳也

昭公十二年齊高偃帥師納北燕伯于陽

哀公十一年齊高无丕帥師伐我及清

毛詩絲衣高子曰靈星之尸也

說苑齊高廷問於孔子曰廷精氣以問事君之道願夫
子告之

史記高柴字子高衛人長不盈五尺受業孔子孔子以

為愚子路使為費邸宰

前漢儒林高相沛人治易亡章句專說陰陽災異

後漢高彪字義方除郎中校書東觀數奏賦頌奇文因
事諷諫靈帝異之遷內黃令帝敕同僚臨送祖於上
東門詔東觀畫彪像以勸學者

逸民高鳳字文通專精誦讀妻嘗曝麥於庭令鳳護雞
天暴雨鳳持竿誦經不覺潦水流麥遂為名儒教授
於西唐山中

儒林高詡字季回以父任為郎中世傳魯詩以信行清
操知名光武除為符離長後拜大司農以方正稱

方術高獲字敬公

魏志高柔字文惠為刺史處法平允又夙夜匪懈
至擁膝抱文書而寢魏初為尚書郎轉丞相理曹掾
清識平當明于憲典後為太尉

晉書高光字宣茂朝廷咸推其明於用法頻典理官

高崧字茂琰少好學善史書舉秀才除太常博士累遷

侍中呼其小字曰阿鄴故有才具邪

載記高瞻字子前少而英爽有俊才後降于慕容廆署
為將軍稱疾不起

南史高爽博學多才坐事被繫作鑊魚賦以自況其文

甚工

附卞
彬傳

北史高允字伯恭少孤夙成有奇度崔宏見之歎曰高

子黃中內潤文明外照必為一代偉器 博通經史

天文術數尤好春秋公羊 曾作塞上詩有混欣戚

遺得喪之致

後領著作述成國記文成曰高允真

忠臣矣朕有是非恒正言面論朕聞其過天下不知

其諫拜中書令

為郎二十七年不徙官

游雅曰

余與高允子游處四十餘年未見是非喜悅之色予

嘗呼為支子崔公謂余云高生豐才博學一代佳士

文成嘗呼為令公崔浩考漢元以來日月五星允曰

善言遠者必先驗於近且漢元年冬十月五星聚于

東井此乃歷術之淺事今譏漢史而不覺此謬恐後

之譏今猶今之譏古浩曰云何允曰金水二星常附
日而行冬十月日旦在尾箕昏沒於申南而東井方
出於寅此二星何曰背日而行少傅游雅曰高君長
於歷當不虛言也浩後考究果如允語後告老遷
尚書散騎常侍時延入備几杖詢以政事出入三省
五十餘年子忱字士和位長安太守為政寬惠百姓
安之綽字僧裕遷洛陽令為政強直不避豪右京
邑憚之允弟推字仲讓魏以前後南使不稱妙簡

行人詔推使宋南人稱其才辯

高祐字子集博涉書史不拘小節孝文初拜秘書令後
為兖州刺史請縣黨立黷序風化大行盜賊止息
高德正幼而敏慧有風神儀表累遷相府掾神武委以
腹心徙黃門侍郎方雅周慎動見稱述仕齊遷右僕
射網紀朝政多有宏益

高乾字乾邕明敏俊偉有智畧輕財重義多所交結後
為黃門侍郎兼侍中

高昂字敖曹幼時便有壯氣龍犀豹頭姿體雄異每言男兒當橫行天下自取富貴誰能端坐讀書作老博士也其父曰此兒不減吾族當大吾門以其昂藏教曹故以名字之

高閭字閭士博綜經史下筆成章仕魏為中書侍郎獻文立上至德頌文章富逸為獻文所知參論政事為給事中委以機密詔令書檄皆其文也後表遜位宣武引見東堂賜以肴羞訪之大政以其先朝儒舊

告老求歸帝為之流涕賜安車几杖強果敢直諫於
朝廷廣衆之中談論鋒起人莫能敵孝文以其文雅
之美每優禮之 嘗為相幽二州刺史廉儉自謹有
良牧之譽 子元昌位遼西博陵二郡太守 弟悅
篤志好學有美於閭

高道悅字文欣仕魏後為諫議大夫正色當官不憚強
禦居法樹平肅之規處諫著必犯之節 轉太子中
庶子正色立朝儼然難犯宮官上下咸畏憚之

高聰字僧智涉獵經史頗有文才拜中書博士

高恭之字道穆父崇字積善景明中除洛陽令為政清
斷吏人畏其威風發摘不避強禦道穆所交皆名
流雋士每曰人生當夕脫羊裘朝珮珠玉

高謙之字道讓事後母以孝聞好文章留心老易為河
陰令損益政體多為故事父子兄弟並著當官之
稱

高隆之字延興仕齊錄尚書事領大宗正卿監國史欽

尚文雅措紳名流必存禮接訓督諸子必先文義

高琳字季珉後加驃騎將軍周孝閔時討平文州氐師
還帝宴卿士賦詩言志琳詩末章云寄言竇車騎為
謝霍將軍何以報天子沙漠靜妖氛

高構字孝基仕隋為吏部侍郎號為稱職前後典選之
官皆出其下

高頴字昭玄隋文帝以其習兵事多計略引為府司錄
有左僕射龐晃短頴於帝帝怒黜之因謂頴曰獨孤

公猶鏡也每被磨瑩皎然益明 頗有文武大畧明
達政務竭誠盡節進引忠良當朝立政將二十年野
朝推服時致昇平論者以為真宰相

唐高儉字士廉以字顯齊清河王岳之孫敏惠有度量
狀貌若畫觀書一見輒誦敏於占對 薛道衡崔祖
濬皆宿臣顯重與為忘年友由是有名 武德中秦
王領雍州牧薦士廉為治中親重之蜀人畏鬼而惡
疾雖父母病皆委去士廉為設教條辨告風俗大變

又引諸生講授學校復興秦時李冰導汶江水灌田
瀕水者須千金士廉附故渠廝引旁出人以富饒入
為吏部進封許國公雅負裁鑒又詳氏譜遷尚書僕
射士廉三世居此官世榮其貴太宗幸洛陽太子監
國命攝少師太子令曰寡人資公訓導比聽政據案
對公竊所未安宜設別案貞觀年年帝親臨喪自為
文喪出登城望哭高宗即位贈太尉配饗太宗進
止詳華凡有獻納搢紳皆屬以目奏議未嘗不焚稿

家人無見者 子履行真行 重字文明士廉五世

孫以明經中第

高馮字季輔德州人貞觀初拜監察御史彈治不避權
要轉中書舍人列上五事書奏太宗稱善 數上書
言得失辭誠切帝賜鍾乳一劑曰而進藥石之言朕
以藥石相報 為吏部侍郎善銓叙人物帝賜金背
鏡一况其清鑒卒諡曰憲

高智周常州人第進士遷費令與丞尉均取俸民安其

化刻石頌美 擢秘書郎嘗覆弄誦碑無謬壽州刺史其治尚文雅

高仙芝高麗人美資質善騎射開元末表為安西副都護天寶間詔仙芝以步騎一萬出討吐蕃拔其城諸胡皆震降附仙芝 程千里等嘗譖仙芝仙芝罵曰公面雖男兒而心似婦女何耶玄宗擢為鴻臚卿

高霞寓五代不異居孝聞里閭讀春秋及兵法頗有感慨高宗文異其才檄任軍職從擊劉闢有功封感義

王

高適字達夫滄州人舉有道科哥舒翰表掌書記擢諫議大夫負氣敢言蜀亂出為蜀彭二州刺史上皇東還分劍南為兩節度百姓弊于調度適上疏願罷東川以一劍南尚節義語王霸衮衮不厭以功名自許政寬簡所莅人便之

高郢字公楚衛州人九歲通春秋工屬文著語默賦諸儒稱之進士不第代宗為太后營章敬寺郢以白衣

上書諫云云未報又上言云云以茂才異等高第擢咸陽尉郭子儀取為朔方掌書記遷中書舍人貞元末中書侍郎同平章事出為華州刺史政尚仁靜

恭慎不與人交掌制誥家無留稿

高定郢之子辯惠七歲讀尚書至湯誓跪問郢曰奈何以臣伐君郢曰應天順人何云伐耶對曰用命賞于祖弗用命戮于社是順人乎郢異之通王氏易仕至京兆府參軍

高崇文其先徙幽州七世不異居性樸重寡言吐蕃寇
寧州崇文大破之封渤海郡王 劉闢反杜黃裳薦
其才統諸屯兵討闢時顯功宿將人人自謂當選及
詔出皆驚後追擒之檻送京師入成都市井積珍貨
如山無秋毫之犯進西川節度南平郡王刻石紀功
于鹿頭山召同平章事邠寧節度使居邠三年戎備
整修

高瑀冀州人少沈邃喜言兵累遷陳蔡二州刺史宰相

裴度韋處厚以瑀治素有狀習軍中情偽欲任之

高鉞字翹之史失何所人與弟銖錯擢進士累遷右補
闕史館修撰數陳政得失穆宗嘉之面賜緋魚召
入翰林為學士子湜字澄之第進士累官右諫議
大夫

高銖字權仲既擢第署張弘靖幕府累遷給事中李訓
驟拜學士銖率諫官伏閣言之

高鉞字弱金連中進士宏辭科遷中書舍人後為禮侍

高歡京兆人舉明經聖厯初默啜入寇歡嬰城拒却

子仲舒通話訓學擢明經開元初宋璟蘓頲當國多
咨訪焉璟等常謂人曰古事問高仲舒

五代高思繼兄弟媯州人也皆以武勇雄於北邊為幽
州戍將思繼兄之子行珪終安遠節度使思繼之子
行周終天平節度使有勇而知義功高而不矜策馬
臨敵叱咤風生平居與賓僚宴集侃侃和易人以是
重之後進封秦王

高錫河中人為河南府推官上書諫周世宗以一身親天下之務帝不能用

宋朝高懷德字藏用忠厚倜儻有武畧仕晉漢為刺史至周為節度使太祖受禪擢為殿前副點檢移鎮滑州尚宣祖女燕國長公主加駙馬都尉李筠叛太祖親征先令懷德攻破筠衆于澤州改鎮忠武歸德加同平章事太宗即位加兼侍中移鎮武勝卒諡穆武高季興 高從誨 高保融 高保勗 高繼沖皆襲

有江陵至繼沖其屬孫光憲勸其歸國

高郁馬氏以為謀主楚畏楊行密成汭之強議以金帛
結之郁曰成汭不足畏也行密公之讎雖以萬金賄
之安肯為君援乎不若上奉天子下撫士民訓卒厲
兵以修霸事則誰與為敵矣楚既得湖南不征商旅
由是四方商旅輻輳湖南地多鉛鐵郁請鑄鉛鐵為
錢商旅出境無所用之皆易他貨而去故能以境內
所餘之物易天下百貨國以富饒湖南民不事桑蠶

郁命民輸稅者皆以帛代錢未幾民間機杼大盛

高瓊家世燕人也父乾徙居亳州之蒙城瓊長以材勇
事太宗于潛邸即位以為御龍直指揮使從征太原
命押弓弩兩班合圍攻城及征幽薊太宗倍道還京
師留瓊與軍中鼓吹殿後六班扈從不及惟瓊首帥
所部見行在太宗大悅累遷侍衛領歸義軍節度使
真宗即位改鎮彰信初契丹犯塞瓊將并代之師與
石保吉會鎮定既而傳潛以逗留得罪以瓊代將其

兵兵罷復還治所授殿前都指揮先是諸將臨敵退
衄真宗已貸其罪議者以為敗軍之將當誅真宗以
問瓊瓊對曰罪誠當誅然陛下去歲已釋其罪今復
行之又方屯諸路非時代易臣恐衆心疑懼乃止景
德初契丹入寇大臣有欲避狄江南西蜀者寇準不
可諸將中獨瓊與準意同準既力爭之真宗曰卿文
臣豈能盡用兵之利準曰請召高瓊瓊至乃言避狄
為便準大驚以瓊為悔也已而徐言避狄固為安全

但恐危駕之士中路逃亡無與俱西南者耳真宗乃大驚始決北征之策真宗既親征時前軍已與契丹戰或有勸真宗南還者瓊因言契丹師衆已老陛下宜親臨觀兵督其成功真宗嘉其言即幸澶州南城固請渡河真宗從往浮橋駐輦未進瓊乃執撾策輦大聲曰何不並行今已至此尚何疑真宗乃命進輦既至登北門城樓張黃龍旗城將士皆呼萬歲氣勢百倍會契丹大將撻覽中弩死契丹遂退明年以疾

求解兵柄授忠武軍節度使卒諡武烈 瓊曉軍政
善訓諸子使讀書率能自立於時子繼勲繼忠繼和
繼宣繼隆繼元繼宣官至防禦使繼忠至四方館使
榮州團練使

高繼勲字紹先初補殿直太宗見而奇之擢押班祗候
累遷東上閤門使以隴州團練使知雄州拜威武軍
節度使卒諡穆武 繼勲謙謹有機略善撫士卒戰
常有功第三子遵甫終為作坊使女即宣仁聖烈皇

后也瓊累贈魏王繼勲楚王甫魯王

高瓊諸子連繼字繼生遵遵生

士宣仁聖烈皇后兄弟也
士生公公生世世生之字

高遵裕字公綽繼宣子以父任為三班借職稍遷供備

庫副使鎮戎軍注泊都監夏人寇大順城諒祚中矢
引去會英宗崩遵裕告哀抵宥州下宮夏人遣王盥
受命至則吉服遵裕切責之遂易服聽遺命既而具
食上宮語及大順城事盥曰剽掠輩耳遵裕曰扶傷
而遁者非若主邪夏人怒曰王人蔑視下國敝邑雖

小控弦數十萬亦能躬執橐鞬與君周旋遵裕瞋目叱之時諒祚覘於屏間搖手使止神宗聞而嘉之擢知保軍

高士林字才卿宣仁聖烈皇后弟也母即慈聖光獻皇后之姊士林以慈聖恩補右班殿直累遷西頭供奉官進內殿崇班士林將家子獨喜儒學閱經史能通其旨英宗嘗以謹守法律四字誨之曰能此則為良吏矣士林官至德州刺史治平中卒神宗即位贈昭

德軍節度使 子公繪公紀由咸里至節度使皆有

賢稱

高若訥字敏之并州榆次人也十歲喪父寓家衛州因居焉舉進士授彰德軍節度使推官知咸陽金堂商河三縣商河多圭田舊令或假民工種以治之若訥獨棄而不耕人以為清入為監察御史裏行再遷知諫院時范仲淹知開封府與宰相呂夷簡爭論於上前貶知饒州余靖尹洙相繼被黜歐陽修移書責若

訥為諫官阿附宰相而不言若訥忿而繳奏其書修亦謫夷陵令而若訥遂為士君子所恥至謂為不肖以右諫議大夫為御史中丞賈昌期與吳育數爭事明年春大旱仁宗從容問所以然者若訥引洪範故事以為大臣不肅則雨不時若於是昌期與育皆罷而若訥遂代育為樞密副使公議非之改工部侍郎參知政事拜樞密卒諡曰文莊

高賦字正臣中山人也父尹右衛將軍賦以父任為右

班殿直復舉進士改奉禮郎遷太常博士累至太常少卿遷光祿卿特拜秘書監加直龍圖閣其守唐也增戶萬一千三百八十給田三萬一千三百二十八頃而山林榛莽之地皆為良田歲益稅二萬二千二百五十七作陂堰四十有四詔曰名杜南陽世稱循吏其亡久矣朕尚思之卿招懷饑流墾闢荒梗繕修陂堰績效具昭前人之良何以遠此賦再治唐凡五歲與前守趙尚寬皆蒙褒詔賦自直龍圖閣至集賢

院學士悉以墾闢之功也賦嘗言二府大臣或僦舍
委巷散處京城間有第宅亦公私非便宜倣前代丞
相於端門前列置大第俾居之又言國家置提點刑
獄司蓋欲平反獄訟使民不寃今諸路多以一員兼
河渠農政常平賊盜兵甲而刑書繁多省閱不給若
委之吏則為大弊請逐路置檢法官以專平讞疏駁
事多施行退居襄陽卒賦為人剛嚴內實平恕所
居皆有善政吏民紀之衢唐二郡民為立生祠云

高懌字文悅高祖季興唐末徙荆南之地子孫因家焉
懌少孤養於外氏年十三能屬文通經史聞种放隱
終南山懌亦築室豹林谷放見而奇之與張堯許勅
號南山三友寇準薦之不起景祐中朝廷錄國初侯
王後懌推其弟忻得一官范雍守京兆延懌詔諸生
經從之者數百人康定中杜衍請賜以處士號特除
大理評事懌固辭仁宗嘉其守改賜安素處士文彥
博又薦其經行先嘗賜良田五頃矣至是復賜第一

區既又除光祿寺丞辭不受卒常夢白衣持書目為
白鹿洞主因作詩識之後二十年晝寢復夢之其卒
葬白鹿鄉

高荷字子勉故南王平苗裔元祐太學生也號還還先
生作詩數千篇拔出筆墨畦逕篇各有新意上黃魯
直長篇警句云蜀天何處盡巴月幾回彎因此得名
魯直跋其詩云子勉以杜子美為標準用一事如軍
中之令置一字如關門之鍵而充之以博學行之以

溫恭天下士也歷官陝西漕屬改秩燕山平獻凱歌
除直龍圖閣知涿州而終

高球者本東坡先生小史筆札頗工東坡自翰苑出帥
中山留以予曾文肅文肅以史令已多辭之東坡以
屬王晉卿元符末晉卿為樞密都承旨時祐陵為端
王在潛邸日已自好文故與晉卿善在殿廬侍班邂逅
王云今日偶忘記帶篋刀子來欲假以掠鬢可乎
晉卿從腰間取之王云此樣甚新可愛晉卿言近創

造二副一猶未用少刻當以馳內至晚遣球賫往值
王在園中蹴鞠球候報之際睥睨不已王呼來前詢
曰汝亦解此技邪球曰能之漫令對蹴遂愜王之意
大喜呼隸輩云可任傳語都尉既謝篋刀之況并所
送人皆輟矣由是日見親信踰月王登寶位上優寵
之眷渥甚厚不次遷拜其儕類援以祈恩上云汝曹
爭如彼好脚迹邪數年間建節循至使相遍歷三衙
者二十年領殿前司職事自球始也父敦復為節度

使兄伸自言業進士直赴殿試後登八座子姪皆為
郎充正員恩倖無比極其富貴然不忘蘇氏每其子
弟入都則給養問卹甚勤靖康初祐陵南下俅從駕
至臨淮以疾為解辭歸京師當時侍行如童貫梁師
成輩皆坐誅而俅獨死於牖下

見王明清
揮麈錄

朱勝非云高伸者因其兄俅隨上皇寵居八座父死
奪情予時在館中見之而王相黼翰林承旨丁憂李
相邦彥左承丁憂亦皆起復王未終制為執政李方

踰年拜右相日者高掄頗滑稽或謂其所言不驗掄
曰古術於今誠為無驗且如父母喪在命術大災今
但為虛驚或更曰激發耳

見長篇

毛

三百九十五

姓纂周文王第九子毛伯受封毛國因以為氏支孫
為周卿士毛伯過毛伯得並毛公之後也趙有毛遂
漢有毛公治詩趙人也為河間王博士毛萇亦治詩
為古訓

左傳僖公二十四年富辰曰周公封建親戚魯衛毛眡
文之昭也

文公元年王使毛伯衛來賜公命

史記毛遂趙使平原君合從於楚約與門下文武備具
者二十人偕得十九人毛遂願備員而行平原君曰
夫賢士之處世若錐之處囊中其末立見今先生處
勝門下三年未有所聞先生不能遂曰乃今日請處
囊中耳使蚤得處囊中乃穎脫而出非特其末見而

已卒定從而歸勝曰毛先生至楚而使趙重於九鼎
大呂以三寸之舌強於百萬之師遂以為上客

出平原君

傳

魏志毛玠字孝先為丞相東曹掾典選舉其所舉用皆
清正之士貴寵之臣輿服不敢過度請謁不行時
人憚之居顯位常布衣蔬食賞賜以振施貧族家
無所餘

晉書毛寶字碩真為廬江太守豫章州刺史有重勲死

於王事 子穆之字憲祖果毅有父風為襄陽益州

刺史 安之字仲祖有武幹遷右衛將軍 璩字叔

璉以討桓玄功詔曰夫貞松標於歲寒益州刺史璩

匡翼之勲實感朕心進征西將軍 自寶至璩三葉

擁旄開國者四人 德祖兄弟五人皆有武幹累遷

冠軍司州刺史 次弟嶷嶷弟辯並有志節

南史毛修之字敬文祖武生伯父璩並益州刺史父瑾

梁秦二州刺史 修之為右司馬行司州事戍洛陽

修立城壘武帝善之賜衣服玩好當時評直二千萬兩

毛喜字伯武少好學善草隸 陳文帝立喜自周還和進好之策能結二國之好 後除黃門侍郎典軍國機密授永嘉內史不授俸秩政尚清淨人吏安之

毛遐字鴻遠世為首帥祖天愛太武至定州刺史傳至遐四世不絕遐任俠有智謀世為豪右士流貧乏者多被賑贍 弟鴻賓狀貌頗異氏羌見者皆畏之明

帝以為雍州刺史詔曰此以畫錦榮卿也

唐毛若虛絳州人眉長覆目天寶末為武功丞以酷吏

稱

臯 三百九十六

臯陶之後左傳越大夫臯如風俗通漢有司徒長史臯

誨廣陵後漢梁鴻傳有臯伯通晉有揚州從事臯弘

蒿 三百九十七

見姓苑

教 三百九十八

顓頊師大教之後

褒 三百九十九

姒姓國禹後今梁州褒是也周幽王后褒姒也 河南

官氏志達勃氏改為褒

桃 四百

山陽姓范云今山陽有此姓 范陽石趙將桃豹又特

進桃剛建平人

勞 四百一

其先居東海勞山因氏焉 渤海晉有三公郎勞霸後

蜀有尚書左丞勞彥遠 瑯琊後漢盜帥勞丙

牢 四百二

仲尼弟子琴牢之後以王父名為氏 漢中書僕射牢

梁石顯黨後漢有牢慎又黨錮傳牢修

名賢氏族言行類稿卷二十

欽定四庫全書

名賢氏族言行類稿卷二十一

宋 章定 撰

何 四百三

姓纂周成王弟唐叔虞裔孫韓王安為秦所滅子孫
分散江淮間音以韓為何遂為何氏

前漢何並字子廉為大司空掾何武高其志節舉能治
劇為長陵令道不拾遺 遷潁川太守名次黃霸

何武字君公蜀郡郫縣人治易以射策甲科為郎舉四
行謂質樸端厚遜讓有行義行也 弟顯家有市籍

租常不入市嗇夫求商捕辱顯家顯怒武曰以吾家
租賦繇役不為衆先奉公吏不亦宜乎卒白太守召
商為卒史 舉賢良射策拜諫議大夫遷揚州刺史
二千石有罪應時舉奏 為刺史二千石行部必行
即學宮見諸生試其誦論問以得失然後入傳舍以
為常後為御史大夫改大司空 好進士獎稱人之

善為楚內火厚雨龔在沛郡厚雨唐及為公卿薦之
朝廷所居無赫赫名去後常見思功名畧比薛宣
後漢何敞字文高為汝南太守以寬和為政舉冤獄郡
中無怨聲百姓化其恩禮推財相讓者二百許人
何休字劭公質樸訥口雅有心思精研六經世儒無及
者作公羊墨守左氏膏肓穀梁廢疾

黨錮何顥字伯求顯名太學有聲荆豫之域後辭司空
府每三府會議莫不推顥之長

魏志何夔字叔龍以孝友稱魏初拜尚書僕射又為太
子太傅以親則有輔弼之勲以賢則有醇固之茂

晉何曾字穎考少好學博文位太傅進太宰侍中明朗
高亮執心弘毅可謂舊德老成國之宗匠者也性

至孝閨門整肅無聲樂嬖幸之好然務在華侈幃帳
車服窮極綺麗日食萬錢猶無下筋處二子遵劬

幼字敬祖遷司徒驕奢簡貴亦有父風遵四子嵩

綏機羨綏字伯蔚位至侍中及弟汰侈尤甚與人

書疏詞札簡傲城陽王尼見綏書謂人曰伯蔚居亂
世而矜豪乃爾其能免乎人曰伯蔚聞卿言必相危
害尼曰伯蔚比聞我言自己死矣及永嘉之末何氏
無遺種

何充字次道器局方槩有萬夫之望徙中書令充居宰
相以社稷為己任凡所選用皆以功臣為先不以私
恩樹親戚

何無忌劉牢之之甥酷似其舅累遷江州刺史義師

之舉參贊大勲皆以筭略攻取為效

何琦字萬倫事母色養常患甘鮮不贍乃為郡主簿

母死不仕

何準字幼道穆章皇后父高尚寡欲弱冠知名兄充為
驃騎將軍勸其仕準曰第五之名何減驃騎兄弟中
準居第五散帶衡門唯誦佛經而已

何攀字惠興滎陽令上便宜十事甚得名稱遷大司農
轉兖州刺史居心平允涖官整肅雖居顯職家甚貧

素惟以周窮濟乏為事

何澄字季玄清正有器望累遷祕書監

南史何尚之字彥德曾祖準尚之仕宋累為尚書令今
執衡當朝畏遠權柄親故一無薦舉初為尚書令致
仕於方山著退歸賦以明所守議者咸謂尚之不能
固志 子偃字仲弘轉吏部尚書尚之去選未五載
偃復襲其迹世以為榮 子戡字惠景為吏部尚書
吳興太守 求字子有偃弟之子為丹陽郡丞清退

無嗜慾後隱於吳虎丘山 求弟點字子皙世論以
為孝隱士大夫多慕從之時人稱重通號曰游俠處
士 點弟肩字子季仕齊為建安太守政有恩信人
不忍欺每伏臘放囚還家依期而反 後為中書令
解職隱居若邪山兄弟皆隱世謂何氏三高 炯字
士光十五從肩受業一期並通五經章句從兄戢曰
此子非止吳門之寶亦為一代偉人解褐為揚州主
簿舉秀才累遷記室侍書御史

何昌富字儼望尚之弟子少獨立不羣所交必當世清
名是以風流籍甚 歷湘東南郡二太守皆以清白
稱卒於侍中 子敬容字國禮仕梁為建安內史清
公有義績吏人稱之守吏部尚書銓序明審號為稱
職 為吳郡太守勤卹人隱辨訟如神政為天下第
一吏人詣闕請樹碑

何承天宋初為尚書祠部郎性剛愎不能屈意朝右後
除著作佐郎撰國史時年已老而諸佐郎並年少荀

伯子嘲之常呼為妳母 博見古今為一時所重

曾孫遜字仲言弱冠舉秀才范雲見其策曰項觀文
人質則過儒麗則傷俗其能舍清濁中古今見之何
生矣 梁初兼尚書水部郎 遜從叔倜字彥夷亦
以才著聞官初不達作拍張賦以喻意至臺郎

何憲字子思任昉執秘閣四部書問其所知自甲至丁
書說一事莫見所遺位國子博士

循吏何遠字義方為武昌太守杜絕交遊餽遺秋毫無

所受除名再為武康令愈厲廉節除淫祠正身率職
人甚稱之梁武帝聞其能擢為宣城太守自縣為近
畿大郡近代未之有 秩俸錢並無所取至皆生為
立祠表年政狀遷東陽太守疾強富如仇讎視貧細
如子弟特為豪右所畏憚清公實為天下第一
何佟之字仕威少好三禮都下稱其醇儒當世服其孝
行仕梁為尚書左丞

文學何思澄字元靜學工文重交結朝賢無不悉狎初

與宗人遜及子朗俱擅文名語曰東海三何子朗最多朗字世明早有才思語曰人中與與有子朗

文學何之元好學有才思著梁典三十卷

孝義何子平事母至孝除海虞令縣祿惟供養母一身不以及妻子幼持操檢雖處閤室如接大賓

北史何妥字栖鳳少機警八歲遊國子學時蕭脊亦有雋才住青楊巷妥住白楊頭時語曰世有兩雋白楊何妥青楊蕭脊仕周為太學博士

藝術何稠字桂林博覽古圖多識舊物波斯嘗獻金線
錦袍上命稠為之錦成踰所獻者

唐何蕃和州人事父母孝舉太學歲一歸父母不許間
二歲乃歸復不許凡五歲慨然以親且老不自安揖
諸生去乃共閉蕃空舍中衆共狀蕃義行白陽城請
留會城罷亦止初朱泚反諸生將從亂蕃正色叱不
聽故六館士無受汙者蕃居太學二十年有死喪無
歸者皆身為治喪

何澄粹親病剔股肉進親沒哭踊無數時號青陽孝子
何易于為益昌令縣距州四十里刺史崔朴常春與
賓客泛舟出益昌旁索民挽絳易于身引舟朴驚問
狀易于曰方春百姓耕令不事可任其勞朴愧疾去
鹽鐵官權取茶利詔下所在毋敢隱易于視詔書
曰益昌人不征茶且不可活矧厚賦毒之乎命吏閣
詔曰吾敢愛一身移暴于民乎亦不使罪爾曹即自
焚之民有死喪不能葬者以俸救吏為辦召高年

者問政得失凡關民在廷丁寧指曉枉直不以付吏
獄三年無囚以俸代輸下戶賦遷羅江令刺史裴
休嘗至邑導侍不過三人廉約蓋資性云

五代何瓚閩人也唐末舉進士及第莊宗為太原節度
使辟為判官莊宗每出征伐留張承業守太原承業
卒瓚代知留守事瓚為人明敏通於吏事莊宗建大
號于鄴都拜瓚諫議大夫留守北京

何澤廣州人也父鼎唐末為客管經略少好學長於歌



詩舉進士為洛陽令唐莊宗好畋獵數踐民田澤乃
潛身伏草間伺莊宗當馬諫曰陛下未能一天下以
休兵而暴斂疲民以給軍食奈何恣畋游以害多稼
使民何以出租賦吏何以督民耕陛下不聽臣言願賜
臣死於馬前使後世知陛下之過莊宗大笑為之止
獵遷倉部郎明宗時數上書言事明宗幸汴又欲幸
鄴而人情不便大臣屢言不聽澤伏閣切諫明宗嘉
之以太僕少卿致仕居于河陽時年已七十晉高祖

入立名為太常少卿

宋朝何繼筠字化龍河南人也父福進仕後唐至周官至天平軍節度使福進節制鎮州繼筠補牙職宋興以繼筠為棣州團練使關南兵馬都監加防禦使太宗征太原繼筠奪并人汾河橋又敗其衆于城下擒其將以獻開寶三年太祖親征太原契丹來援繼筠屯石嶺關追奔數十里斬千餘級獲器用甚衆太祖命以所獲首級鎧甲示於城下并人奪氣以功拜建

武軍節度使繼筠屢以少擊衆在塞上二十年胡人畏其名繪其像而拜之 子承矩

何承矩字正則從繼筠討劉崇除閑廐副使太平興國中監兵泉州以功遷閑廐使知河陽徙譚州居六年除淄州刺史僉書滄州事時契丹數寇邊承矩請屯兵於順安砦西開易河蒲口引水築堤瀦水以助要害太祖用其策屬霖潦為患議者以為非承矩援漢魏至唐故事以折之詔以承矩為河北制置屯田使

民遂獲萑蒲魚蛤之利而稻田歲入亦助邊餉自是
高陽並海絕北人奔衝之虞自滄徙雄州契丹萬騎
夜逼城堞遲明承矩出戰獲其酋所謂特琳相公者
敵始引去復徙滄州真宗即位知雄州嘗上疏請和
戎為息民之利進英州團練使知澶州契丹修好真
宗益善其有謀又命知雄州拜本州團練使時敵使
初至承矩以為待之之禮宜得中庶可久也真宗嘉
納之

何郯字聖從成都人也舉進士由太常博士擢侍御史知雜上疏言宰相陳執中寡學參政丁度輕脫樞密使夏竦回佞皆不協人望不當在此位章累上言不已仁宗正色曰古之諫臣嘗有碎首者卿能行此否郯曰古者諫不行言不聽故臣有碎首今陛下從諫如流何用此舉必若碎首龍墀則美歸於臣子而過在君上臣不忍為也仁宗悅

何執中字伯通處州龍泉人也舉進士為台州推官久

之為國子監教授以經術醇深除太學博士諸王府
記室遷侍讀徽宗即位拜寶文閣侍制提舉萬壽觀
遷中書舍人歷兵部侍郎遷尚書崇寧四年為尚書
左丞大觀元年遷中書門下侍郎三年拜特進左僕
射政和二年加司空進少傅三年假太宰加少師封
榮國公六年以太傅就第朝朔望於是徽宗曰自相
位得謝古難其人本朝數十年無此事執中曰唯張
士遜以太傅鄧國公就第徽宗曰當時恩禮恐未必

爾其眷遇如此執中性謹畏嘗戒邊吏無生事節浮
費惜人才寬民力每為徽宗言之自以由攀附恩致
位宰相雖居富貴未嘗忘貧賤時斥緡錢萬置義庄
以贍宗族薨贈太師清源郡王諡曰正獻 子正同

何灌字仲源開封祥符人也由武舉為府州黃河東岸
巡檢遼聚兵于山馳薄官軍灌迎高射之發輒中或
著崖石皆沒鏃後三十年遼臣蕭太師者會灌於雄
州嘆何巡檢神射灌曰灌是也累功遷內閣崇班知

寧化軍隍州姚雄為經略使勅墾田法募民開耕出
粟灌曰墾田固良法然民與牛皆足其地官田多墾
則私田必荒是設法奪民也時城東決達原有間田
近千頃灌命引邈川水溉之悉為沃壤號廣利渠
遼使來賜射玉津園灌以選伴射一發破的再發則
不遼使曰太尉殆不能邪灌曰非不能也以禮遜客
也整弓復發則又中徽宗親酌寵勞之除侍衛親軍
都虞侯金人南下朝廷出禁卒付內侍梁方平守瀋

川灌謂宰相曰金人傾國遠來其鋒不可當萬一方平不支梧何以善後乎詔灌迎敵沒于陣

何鼎字文績仙井人也舉進士第一除校書郎欽宗即位入翰林為學士擢拜尚書右丞遷中書侍郎時議割三鎮未決鼎持之甚堅曰三鎮國家之根本奈何一旦棄之況敵情變詐百出安可保其必信割之亦來不割亦來且河北之民皆吾赤子棄地則井其民棄之為民父母而棄子可乎欽宗然其言方金之再

入犯也梟之杭州陞辭留領開封尹欽宗幸金營梟
從以出梟在敵中不食而死年三十九後有自金營
還者言梟死狀始贈觀文殿大學士梟在金營題詩
云念念通前劫依依返舊魂人生會有死遺恨滿乾
坤

何顏之字斯舉黃岡人自號樗叟篤學善屬文東坡先
生謫居齊安斯舉少年因侍教誨黃魯直嘗與書云
昏塞不記貴字欲奉字曰斯舉取色斯舉矣翔而後

集但恐或犯諱字爾又云觀斯舉詩多自得之它日
七八少年皆當壓倒老夫但須得忠信孝友深根固
蒂則枝葉有光輝矣斯舉連蹇場屋晚得一官韓子
蒼守是邦獨與唱和蓋所謂友其士之仁者歲在戊
申予將漕湖陰斯舉出坡谷諸公簡牘數巨軸其子
琥至今藏之琥亦好學有文

見百家
詩選

羅 四百四

姓纂祝融之後妘姓國初封宜城徙枝江周末居長

沙漢有梁相羅懷襄陽記有羅象 河南官氏志此

羅氏改為羅

晉書羅憲字令則襄陽人十三能屬文輕財好施為巴東太守忠烈果毅有才策器幹 兄子尚字敬之為益州刺史

羅企生字宗伯多才藝初拜著作郎

文苑羅含字君章夢鳥入口藻思日新可謂湘中之琳琅桓溫問含何如人或曰可謂荆楚之材溫曰此自

江左之秀豈惟荆楚而已 累遷至侍中及致仕還家階庭有蘭菊叢生以為德行之感

南史羅妍字深微少有材辯 為蜀郡別駕蜀土以文達者唯研

北史羅結代人魏太武初累遷侍中外都大官總三十六曹事年一百七歲精爽不衰太武以其忠慤甚信待之監典後宮出入卧内 後歸老賜第東川并為築城號曰羅侯城 朝廷每有大事驛馬詢問年一

百二十卒 子斤以戰功除都大將

唐羅珣越州人擢廬州刺史修學宮政教簡易有芝草
白雀杜佑上治狀賜金紫服遷京兆尹請減平糴半
以常賦充之人賴其利

羅讓字景宣珣子以文章早著舉進士宏辭賢良方正
皆高第為御史中丞有仁惠名或以婢遺讓者問所
從答曰女兄九人皆為官所賣留者獨老母耳讓慘
然為焚券召母歸之

羅藝襄州人勇攻戰善用槊大業末太原唐公起遂從

羅士信來降高祖拜陝西道行軍總官

羅道琮蒲州人慷慨尚節貞觀末上書忤旨徙領表後擢明經仕至太學博士為時名儒

羅隱錢塘人工詩尤長於詠史唐宰相深器之隱累舉進士不第錢鏐辟為從事官至給事中

五代羅紹威繼父弘信為魏博節度使遣使告梁乞兵盡誅牙軍朱全忠留魏半歲紹威供億所殺羊牛遠

近七十萬資糧稱是所賂遺又近百萬比去蓄積為之一空紹威雖去牙軍之逼而魏軍自是衰弱紹威悔之謂人曰合六州四十三縣鐵不能鑄此錯也

宋朝羅處約蜀人也舉進士為臨渙簿再遷大理評事知吳縣王禹偁與為倡酬人多傳誦處約與禹偁召至京師太宗自定題以試之以禹偁為右拾遺處約為著作郎皆直史館

和四百五

姓纂義和堯時掌天地之官和仲和叔因以為氏晉
有和組父漢有和武

魏志和洽字陽士舉孝廉後為尚書令清貧守約至賣
田宅以自給封西陵鄉侯子迨才爽開濟官至廷
尉吏部尚書洽清和幹理一世之美士也

晉書和嶠字長輿迨之子有盛名於世朝野稱其能整
風俗理人倫遷潁川太守為政清簡甚得百姓歡心
庾凱見而歎曰嶠森森如千丈松雖礫砢多節目施

之大厦有棟梁之用 後為尚書光祿大夫

北史和跋代人世領部落為魏附臣跋以才辯知名道
武擢為外朝大人叅軍國大謀雅有智筭

和其奴少有操行善射御文成初累遷尚書左僕射在
官慎法不受私請

和洪勇烈過人仕周以軍功位車騎大將軍

唐和逢堯岐州人武后時負鼎闕下上書後十年乃舉
進士高第突厥默啜請尚公主逢堯以御史中丞攝

鴻臚卿報可默啜遣頡利來曰詔送金縷具鞍乃塗金
非天子意使者不可信雖得公主猶非實請罷和親
逢堯曰云云默啜信之為斂髮紫衣南面再拜稱臣
逢堯以使有指擢戶部侍郎 唐興奉使者稱逢堯
五代和凝字成績鄆州須昌人也其九世祖逢堯為唐
監察御史其後世遂不復官凝父矩性嗜酒不拘小
節然獨好禮文士每傾資以交之以故凝得與之游
而凝幼聰敏形神秀發舉進士梁義成軍節度使賀

瓌辟為從事瓌與唐莊宗戰于胡柳瓌戰敗脫身走
獨凝隨之反顧見凝麾之使去凝曰大丈夫當為知
已死吾恨未得死所耳豈可去也已而一騎追瓌幾
及凝叱之不止即引弓射殺之瓌由此得免瓌歸戒
其諸子曰和生志義之士後必富貴爾其謹事之因
知貢舉是時進士多浮薄喜為諛譁以動主司主司
每放榜則圍之棘閉省門絕人出以為常凝徹棘開
門而士皆肅然無譁一時之秀稱為得人晉高祖

數召之問以時事拜同中書門下平章事漢高祖時
拜太子太傅封魯國公卒凝性樂善好稱道後進
之士唐故事知貢舉者所放進士以已及第時名次
為重凝舉進士及第時第五後知貢舉選范質為第
五後質位至宰相封魯國公官至太子太傅皆與凝
同當時以為榮

宋朝和誥字子美濮州鄆城人也以蔭補三班奉職為
河北副將累轉內殿崇班知岢嵐軍稍遷西上閤門

使知雄州改右武大夫威州刺史詵因上制勝強遠
弓式施行之弓能破堅於三百步外邊人號為鳳凰
弓轉拱衛大夫榮州防禦使遷侍中大夫相州觀察
使時金人數犯契丹童貫帥師巡邊至高陽關召詵
問以計策乃言南北兄弟之國誓好百有餘年今師
出無名宜按兵觀釁戒諸將無妄動貫愕然乃命詵
兼統制副种師道詵還瓦橋貫亦至而軍前統制楊
可世入北境而敗詵語師道斬可世以徇師道不從

引軍宵遁詵亦徒行亂兵間踰宿入雄州遼師至城
下而還貫奏詵不從節制責豪州團練副使筠州安
置徽宗亦詔貫班師會耶律淳死蕭太后立朝廷復
詔貫母歸及收復燕京肆赦以詵初議不戰獨不放
還後數月蕭幹出盧龍攻破景州又敗常勝軍于石
門鎮薊州寇掠燕城人情怵怵有謀棄燕者徽宗於
是思詵言召還復正奉大夫宣州觀察使卒贈安化
軍承宣使

娥 四百六

見姓苑

北史娥清代人也少有將畧著戰功遷黃門侍郎明元
以為中領軍將軍渡河畧地至湖陸遂鎮枋頭進爵
東平公 子延賜爵南平公

柯 四百七

錢塘宋書沈文季傳錢塘富人柯降 齊書南充州典
柯益孫 河南官氏志柯拔氏改為柯氏

繁

音婆四百八

左傳殷人七族有繁氏

漢有御史大夫繁延壽

潁

川魏丞相主簿繁欽字伯林

後漢益州刺史繁興

番

音婆四百九

姓苑吳芮封番君支孫氏焉

蛾

四百十

左傳晉大夫蛾析之後

過

四百十一

夏時有過國子孫氏焉漢有兗州刺史過相急就章過
說

戈 四百十二

夏時侯國為少康所滅因氏焉

渦 四百十三

楚大夫封渦因氏焉三輔決錄扶風太守渦尚

邠 四百十四

風俗通朝邠東夷也其後單姓氏後燕錄遼西太守邠

顏西魏有揚州刺史邠春

邠音多亦音朋四百十五

漢南山盜師邠宗

車四百十六

姓纂漢武帝時丞相田千秋以年老詔乘小車出入
省中時號車丞相子孫因為氏 河南官志後魏獻
帝命疎屬曰車焜氏改為車氏

晉書車胤字武子聚螢讀書風姿美劬機悟敏速甚有

鄉曲之譽以寒素博學尤善於談會每有盛坐而肩
不在皆云無車公不樂領國子博士為吳興太守
丹陽尹遷吏部尚書

車濟字萬度果毅有大量為金城令

北史車伊洛世為東境部落帥恒修職貢延和中授平
西將軍

車路頭代人也少以忠厚選給東宮為帳下帥明元立
拜忠意將軍每評獄處理常獻寬恕之議以此見重

於朝

巴 四百十七

姓纂代本云巴子國子孫以國為氏亦見左傳後漢
揚州刺史巴祗

前漢巴寡婦清其先得丹穴而擅其利數世婦能守其
業用財自衛人不敢犯始皇以為貞婦而客之為築
女懷清臺

後漢巴肅字恭祖渤海人

麻

四百十八

風俗通齊大夫麻嬰之後漢麻光為御史大夫又麻達
論語唐左司郎中麻察 太原狀云石趙梁州刺史
廣平麻秋之後 唐功臣左金吾大將軍涼國公麻
宗賜姓李氏改名廷昌子藏珍

家

四百十九

左傳周大夫家父之後風俗通漢有家羨 北海家羨
為劇令子孫因居焉

嘉 四百二十

左傳晉大夫嘉父欒氏黨

瑕 四百二十一

左傳周大夫瑕禽晉有瑕嘉漢有廷尉瑕更又有瑕倉
齊郡瑕倉為膠東相子孫因居齊郡

荼 徒加反蘇林云音瑯
瑯之瑯四十二

漢書江都易王傳有王子荼悟 彭城吳志衛尉荼頴
生條太子少傳幾臨川太守

牙

四百二十三

風俗通云周穆王司徒君牙之後以王父字為氏

衙

四百二十四

秦穆公子食采于衙因氏焉漢長平令衙敬卿七代同

居

沙

四百二十五

姓苑東莞有沙氏

余

四百二十六

南昌洪州有余氏開元有太學博士余欽洛陽唐佑
郎中余珩祖集隋考功主事

蛇

四百二十七

南安姚秦錄姚萇皇后蛇氏兄越滂南安太守又有建
武將軍蛇玄臨晉太守蛇也

諸

音遮四百二十八

吳郡後漢洛陽令諸於

把

四百二十九

本姓巴氏東樓公之後後漢靈帝時巴匡避董卓難改
為把氏 安定把匡為安定太守因居焉

查

四百三十

宣城涇縣武德池南宕二州刺史查文熙 鄱陽貞元

富人查祥

媯

四百三十一

氏女媯氏之後

花

四百三十二

唐有倉部員外郎花季睦

卷二十一

名賢氏族言行類稿卷二十一

欽定四庫全書

名賢氏族言行類稿卷二十二

宋 章定 撰

楊 四百三十三

姓纂周武王子唐叔虞封於晉出公遜於齊生伯僑
歸周天子封為楊侯子孫以國為氏一云周宣王曾
孫封為晉所滅其後為氏或曰周景王之後楊氏叙
云伯僑不知周何別也

荀子楊朱哭衢塗曰此夫過舉踴步而覺

說苑楊朱見梁王言治天下如運諸掌

楊回見趙簡子曰臣居鄉三逐事君三去聞君好士故
走來見簡子曰盛德之士亂世所疏也遂授以為相
而國大治

史記酷吏楊僕以嚴酷為主爵都尉 前漢傳楊僕宜
陽人

前漢楊敞華陰人為軍司馬 遷大司農後為丞相封

威蒼梧太守甚得百姓歡心 威弟淑子綏並為交

州

陶侃字士行為武昌太守 後為廣州刺史在州無事

朝暮運甕曰吾方致力中原過爾優逸恐不堪事

常惜分陰 引接疎遠門無停客 竹頭木屑悉令

掌之 破蘇峻於石頭 都督荆江等八州 子瞻

字道真少有才器歷廬江建昌二郡太守

陶臻字彥遐有勇略智謀為南郡太守 臻弟興果烈

善戰以功遷武威將軍

陶回轉州別駕為吳興太守時饑穀貴輒便開倉廩
以賑之一境獲全

隱逸陶潛字處靜好導養之術好讀易善卜筮於
長沙臨湘山中結廬居之

隱逸陶潛字元亮號五柳先生欲弦歌以為三逕之
資乃為彭澤令不能為五斗米折腰乃賦歸去來辭
解印去縣自謂羲皇上人蓄無絃琴曰但識琴中趣

何勞絃上聲 冷齋夜話云李格非善論文章嘗曰
諸葛孔明出師表劉伶酒德頌陶淵明歸去來詞李
令伯陳情表皆沛然如肺肝中流出殊不見斧鑿痕
東坡先生云孔子不取微生高孟子不取於陵仲子
惡其不情也淵明欲仕則仕不以求之為嫌欲隱則
隱不以去之為高饑則叩門而乞食飽則雞黍以迎
客古今賢之貴其真也又云吾前後和其詩凡百有
九篇至其得意自謂不甚愧淵明然吾之於淵明豈

獨好其詩也哉如其為人實有感焉淵明臨終疏告儼等吾少而窮苦每以家弊東西遊走性剛才拙與物多忤自量為已必貽俗患僂俛亂世使汝等幼而饑寒淵明此語蓋實錄也吾真有此病而不早自知半世出仕以犯大患此所以深愧淵明欲以晚節師範其萬一也 苔溪漁隱曰淵明坐止於樹蔭之下則廣廈華堂吾何羨焉步止於華門之裏則朝市聲利吾何趨焉好味止於噉園葵則五鼎方丈吾何欲

焉大歡止於戲稚子則燕歌趙舞吾何樂焉在彼者
難求而在此者易為也淵明固窮守道安於丘園疇
肯以此易彼也乎

東坡先生洪範覺苔溪漁隱淵明之論甚高定故表
而出之

南史孝義陶季直五歲喪母哀如成人其後徵召不起
號曰聘君 孝義陶子鏐字海育秣陵人也

隱逸陶弘景字通明永明中脫朝服挂神武門止于句


容句曲山自號陶隱居 讀書萬餘卷 心如明鏡

過

宋朝陶穀字秀實邠州新平人也北齊尚書令唐邕唐
內史唐儉皆其遠祖因避晉高祖諱更為陶幼有俊
才起家為校書郎宋興歷禮刑戶部三尚書遷承旨
乾德初郊祀法物制度多穀所定又乘輿大輦久亡
其制穀立意造之至今用焉卒贈右僕射太祖將受
禪未有禪文穀在旁出諸懷中而進之曰已成矣

性傾險巧詆其進緣李崧崧之死穀自謂有力焉周
世宗召魚崇諒為學士未至穀譖之以為顧望而遂
代其任世宗謂趙上交多謁告穀乃及其受門生名
園事而上交被黜自言頭骨當珥貂冠蓋有意大
用也人咸笑之

陶弼字商翁元豐中為崇儀使知邕州山谷先生作
誌銘稱其有文武之才而可其詩



名賢氏族言行類稿卷十九

欽定四庫全書

子部

名賢氏族言行類稿卷

二十一至二十三

詳校官典籍

臣潘奕雋

主事

臣

祁韻士覆勘

總校官進士

臣朱

鈴

校對官主事

臣

馮

培

謄錄監生

臣

郭

遇

欽定四庫全書

名賢氏族言行類稿卷二十

宋 章定 撰

高

三百九十四

姓纂齊太公六代孫文公子高孫侯以王父字為氏
左傳桓公五年諸侯伐鄭鄭禦之高渠彌以中軍奉公
為魚麗之陳

閔公二年冬齊高子來盟

成公十五年經叔孫僑如會高无咎於鍾離 傳會吳
於鍾離始通吳也

昭公十二年齊高偃帥師納北燕伯于陽

哀公十一年齊高无丕帥師伐我及清

毛詩絲衣高子曰靈星之尸也

說苑齊高廷問於孔子曰廷精氣以問事君之道願夫
子告之

史記高柴字子高衛人長不盈五尺受業孔子孔子以

為愚子路使為費邸宰

前漢儒林高相沛人治易亡章句專說陰陽災異

後漢高彪字義方除郎中校書東觀數奏賦頌奇文因
事諷諫靈帝異之遷內黃令帝敕同僚臨送祖於上
東門詔東觀畫彪像以勸學者

逸民高鳳字文通專精誦讀妻嘗曝麥於庭令鳳護雞
天暴雨鳳持竿誦經不覺潦水流麥遂為名儒教授
於西唐山中

儒林高詡字季回以父任為郎中世傳魯詩以信清操知名光武除為符離長後拜大司農以方正稱

方術高獲字敬公

魏志高柔字文惠為刺史處法平允又夙夜匪懈至擁膝抱文書而寢魏初為尚書郎轉丞相理曹掾清識平當明于憲典後為太尉

晉書高光字宣茂朝廷咸推其明於用法頻典理官

高崧字茂琰少好學善史書舉秀才除太常博士累遷

侍中呼其小字曰阿鄴故有才具邪

載記高瞻字子前少而英爽有俊才後降于慕容廆署
為將軍稱疾不起

南史高爽博學多才坐事被繫作鑊魚賦以自況其文

甚工

附卞
彬傳

北史高允字伯恭少孤夙成有奇度崔宏見之歎曰高

子黃中內潤文明外照必為一代偉器 博通經史

天文術數尤好春秋公羊 曾作塞上詩有混欣戚

遺得喪之致

後領著作述成國記文成曰高允真

忠臣矣朕有是非恒正言面論朕聞其過天下不知

其諫拜中書令

為郎二十七年不徙官

游雅曰

余與高允子游處四十餘年未見是非喜悅之色予

嘗呼為支子崔公謂余云高生豐才博學一代佳士

文成嘗呼為令公崔浩考漢元以來日月五星允曰

善言遠者必先驗於近且漢元年冬十月五星聚于

東井此乃歷術之淺事今譏漢史而不覺此謬恐後

之譏今猶今之譏古浩曰云何允曰金水二星常附日而行冬十月日旦在尾箕昏沒於申南而東井方出於寅此二星何曰背日而行少傅游雅曰高君長於歷當不虛言也浩後考究果如允語後告老遷尚書散騎常侍時延入備几杖詢以政事出入三省五十餘年子忱字士和位長安太守為政寬惠百姓安之綽字僧裕遷洛陽令為政強直不避豪右京邑憚之兄弟推字仲讓魏以前後南使不稱妙簡

行人詔推使宋南人稱其才辯

高祐字子集博涉書史不拘小節孝文初拜秘書令後
為兗州刺史請縣黨立黷序風化大行盜賊止息
高德正幼而敏慧有風神儀表累遷相府掾神武委以
腹心徙黃門侍郎方雅周慎動見稱述仕齊遷右僕
射網紀朝政多有宏益

高乾字乾邕明敏俊偉有智畧輕財重義多所交結後
為黃門侍郎兼侍中

高昂字敖曹幼時便有壯氣龍犀豹頭姿體雄異每言男兒當橫行天下自取富貴誰能端坐讀書作老博士也其父曰此兒不減吾族當大吾門以其昂藏教曹故以名字之

高閭字閭士博綜經史下筆成章仕魏為中書侍郎獻文立上至德頌文章富逸為獻文所知參論政事為給事中委以機密詔令書檄皆其文也後表遜位宣武引見東堂賜以肴羞訪之大政以其先朝儒舊

告老求歸帝為之流涕賜安車几杖強果敢直諫於
朝廷廣衆之中談論鋒起人莫能敵孝文以其文雅
之美每優禮之 嘗為相幽二州刺史廉儉自謹有
良牧之譽 子元昌位遼西博陵二郡太守 弟悅
篤志好學有美於閭

高道悅字文欣仕魏後為諫議大夫正色當官不憚強
禦居法樹平肅之規處諫著必犯之節 轉太子中
庶子正色立朝儼然難犯宮官上下咸畏憚之

高聰字僧智涉獵經史頗有文才拜中書博士

高恭之字道穆父崇字積善景明中除洛陽令為政清
斷吏人畏其威風發摘不避強禦道穆所交皆名
流雋士每曰人生當夕脫羊裘朝珮珠玉

高謙之字道讓事後母以孝聞好文章留心老易為河
陰令損益政體多為故事父子兄弟並著當官之
稱

高隆之字延興仕齊錄尚書事領大宗正卿監國史欽

尚文雅措紳名流必存禮接訓督諸子必先文義

高琳字季珉後加驃騎將軍周孝閔時討平文州氏師還帝宴卿士賦詩言志琳詩末章云寄言竇車騎為謝霍將軍何以報天子沙漠靜妖氛

高構字孝基仕隋為吏部侍郎號為稱職前後典選之官皆出其下

高頴字昭玄隋文帝以其習兵事多計略引為府司錄有左僕射龐晃短頴於帝帝怒黜之因謂頴曰獨孤

公猶鏡也每被磨瑩皎然益明 頗有文武大畧明
達政務竭誠盡節進引忠良當朝立政將二十年野
朝推服時致昇平論者以為真宰相

唐高儉字士廉以字顯齊清河王岳之孫敏惠有度量
狀貌若畫觀書一見輒誦敏於占對 薛道衡崔祖
潛皆宿臣顯重與為忘年友由是有名 武德中秦
王領雍州牧薦士廉為治中親重之蜀人畏鬼而惡
疾雖父母病皆委去士廉為設教條辨告風俗大變

又引諸生講授學校復興秦時李冰導汶江水灌田
瀕水者須千金士廉附故渠廝引旁出人以富饒入
為吏部進封許國公雅負裁鑒又詳氏譜遷尚書僕
射士廉三世居此官世榮其貴太宗幸洛陽太子監
國命攝少師太子令曰寡人資公訓導比聽政據案
對公竊所未安宜設別案貞觀年年帝親臨喪自為
文喪出登城望哭高宗即位贈太尉配饗太宗進
止詳華凡有獻納搢紳皆屬以目奏議未嘗不焚稿

家人無見者 子履行真行 重字文明士廉五世

孫以明經中第

高馮字季輔德州人貞觀初拜監察御史彈治不避權
要轉中書舍人列上五事書奏太宗稱善 數上書
言得失辭誠切帝賜鍾乳一劑曰而進藥石之言朕
以藥石相報 為吏部侍郎善銓叙人物帝賜金背
鏡一况其清鑒卒諡曰憲

高智周常州人第進士遷費令與丞尉均取俸民安其

化刻石頌美 擢秘書郎嘗覆弄誦碑無謬壽州刺史其治尚文雅

高仙芝高麗人美資質善騎射開元末表為安西副都護天寶間詔仙芝以步騎一萬出討吐蕃拔其城諸胡皆震降附仙芝 程千里等嘗譖仙芝仙芝罵曰公面雖男兒而心似婦女何耶玄宗擢為鴻臚卿

高霞寓五代不異居孝聞里閭讀春秋及兵法頗有感慨高宗文異其才檄任軍職從擊劉闢有功封感義

王

高適字達夫滄州人舉有道科哥舒翰表掌書記擢諫議大夫負氣敢言蜀亂出為蜀彭二州刺史上皇東還分劍南為兩節度百姓弊于調度適上疏願罷東川以一劍南尚節義語王霸衮衮不厭以功名自許政寬簡所莅人便之

高郢字公楚衛州人九歲通春秋工屬文著語默賦諸儒稱之進士不第代宗為太后營章敬寺郢以白衣

上書諫云云未報又上言云云以茂才異等高第擢咸陽尉郭子儀取為朔方掌書記遷中書舍人貞元末中書侍郎同平章事出為華州刺史政尚仁靜恭慎不與人交掌制誥家無留稿

高定郢之子辯惠七歲讀尚書至湯誓跪問郢曰奈何以臣伐君郢曰應天順人何云伐耶對曰用命賞于祖弗用命戮于社是順人乎郢異之通王氏易仕至京兆府參軍

高宗文其先徙幽州七世不異居性樸重寡言吐蕃寇
寧州崇文大破之封渤海郡王 劉闢反杜黃裳薦
其才統諸屯兵討闢時顯功宿將人人自謂當選及
詔出皆驚後追擒之檻送京師入成都市井積珍貨
如山無秋毫之犯進西川節度南平郡王刻石紀功
于鹿頭山召同平章事邠寧節度使居邠三年戎備
整修

高瑀冀州人少沈邃喜言兵累遷陳蔡二州刺史宰相

裴度韋處厚以瑀治素有狀習軍中情偽欲任之

高鉞字翹之史失何所人與弟銖錯擢進士累遷右補
闕史館修撰數陳政得失穆宗嘉之面賜緋魚召
入翰林為學士子湜字澄之第進士累官右諫議
大夫

高銖字權仲既擢第署張弘靖幕府累遷給事中李訓
驟拜學士銖率諫官伏閣言之

高鉞字弱金連中進士宏辭科遷中書舍人後為禮侍

高歡京兆人舉明經聖厯初默啜入寇歡嬰城拒却

子仲舒通話訓學擢明經開元初宋璟蘓頲當國多
咨訪焉璟等常謂人曰古事問高仲舒

五代高思繼兄弟媯州人也皆以武勇雄於北邊為幽
州戍將思繼兄之子行珪終安遠節度使思繼之子
行周終天平節度使有勇而知義功高而不矜策馬
臨敵叱咤風生平居與賓僚宴集侃侃和易人以是
重之後進封秦王

高錫河中人為河南府推官上書諫周世宗以一身親天下之務帝不能用

宋朝高懷德字藏用忠厚倜儻有武畧仕晉漢為刺史至周為節度使太祖受禪擢為殿前副點檢移鎮滑州尚宣祖女燕國長公主加駙馬都尉李筠叛太祖親征先令懷德攻破筠衆于澤州改鎮忠武歸德加同平章事太宗即位加兼侍中移鎮武勝卒諡穆武高季興 高從誨 高保融 高保勗 高繼沖皆襲

有江陵至繼沖其屬孫光憲勸其歸國

高郁馬氏以為謀主楚畏楊行密成汭之強議以金帛
結之郁曰成汭不足畏也行密公之讎雖以萬金賄
之安肯為君援乎不若上奉天子下撫士民訓卒厲
兵以修霸事則誰與為敵矣楚既得湖南不征商旅
由是四方商旅輻輳湖南地多鉛鐵郁請鑄鉛鐵為
錢商旅出境無所用之皆易他貨而去故能以境內
所餘之物易天下百貨國以富饒湖南民不事桑蠶

郁命民輸稅者皆以帛代錢未幾民間機杼大盛

高瓊家世燕人也父乾徙居亳州之蒙城瓊長以材勇
事太宗于潛邸即位以為御龍直指揮使從征太原
命押弓弩兩班合圍攻城及征幽薊太宗倍道還京
師留瓊與軍中鼓吹殿後六班扈從不及惟瓊首帥
所部見行在太宗大悅累遷侍衛領歸義軍節度使
真宗即位改鎮彰信初契丹犯塞瓊將并代之師與
石保吉會鎮定既而傳潛以逗留得罪以瓊代將其

兵兵罷復還治所授殿前都指揮先是諸將臨敵退
劬真宗已貸其罪議者以為敗軍之將當誅真宗以
問瓊瓊對曰罪誠當誅然陛下去歲已釋其罪今復
行之又方屯諸路非時代易臣恐衆心疑懼乃止景
德初契丹入寇大臣有欲避狄江南西蜀者寇準不
可諸將中獨瓊與準意同準既力爭之真宗曰卿文
臣豈能盡用兵之利準曰請召高瓊瓊至乃言避狄
為便準大驚以瓊為悔也已而徐言避狄固為安全

但恐扈駕之士中路逃亡無與俱西南者耳真宗乃大驚始決北征之策真宗既親征時前軍已與契丹戰或有勸真宗南還者瓊因言契丹師衆已老陛下宜親臨觀兵督其成功真宗嘉其言即幸澶州南城固請渡河真宗從往浮橋駐輦未進瓊乃執撾策輦大聲曰何不並行今已至此尚何疑真宗乃命進輦既至登北門城樓張黃龍旗城將士皆呼萬歲氣勢百倍會契丹大將撻覽中弩死契丹遂退明年以疾

求解兵柄授忠武軍節度使卒諡武烈 瓊曉軍政
善訓諸子使讀書率能自立於時子繼勲繼忠繼和
繼宣繼隆繼元繼宣官至防禦使繼忠至四方館使
榮州團練使

高繼勲字紹先初補殿直太宗見而奇之擢押班祗候
累遷東上閤門使以隴州團練使知雄州拜威武軍
節度使卒諡穆武 繼勲謙謹有機略善撫士卒戰
常有功第三子遵甫終為作坊使女即宣仁聖烈皇

后也瓊累贈魏王繼勲楚王甫魯王

高瓊諸子連繼字繼生遵遵生

士宣仁聖烈皇后兄弟也
士生公公生世世生之字

高遵裕字公綽繼宣子以父任為三班借職稍遷供備

庫副使鎮戎軍注泊都監夏人寇大順城諒祚中矢
引去會英宗崩遵裕告哀抵宥州下宮夏人遣王盥
受命至則吉服遵裕切責之遂易服聽遺命既而具
食上宮語及大順城事盥曰剽掠輩耳遵裕曰扶傷
而遁者非若主邪夏人怒曰王人蔑視下國敝邑雖

小控弦數十萬亦能躬執橐鞬與君周旋遵裕瞋目叱之時諒祚覘於屏間揺手使止神宗聞而嘉之擢知保軍

高士林字才卿宣仁聖烈皇后弟也母即慈聖光獻皇后之姊士林以慈聖恩補右班殿直累遷西頭供奉官進內殿崇班士林將家子獨喜儒學閱經史能通其旨英宗嘗以謹守法律四字誨之曰能此則為良吏矣士林官至德州刺史治平中卒神宗即位贈昭

德軍節度使 子公繪公紀由戚里至節度使皆有

賢稱

高若訥字敏之并州榆次人也十歲喪父寓家衛州因居焉舉進士授彰德軍節度使推官知咸陽金堂商河三縣商河多圭田舊令或假民工種以治之若訥獨棄而不耕人以為清入為監察御史裏行再遷知諫院時范仲淹知開封府與宰相呂夷簡爭論於上前貶知饒州余靖尹洙相繼被黜歐陽修移書責若

訥為諫官阿附宰相而不言若訥忿而繳奏其書修亦謫夷陵令而若訥遂為士君子所恥至謂為不肖以右諫議大夫為御史中丞賈昌期與吳育數爭事明年春大旱仁宗從容問所以然者若訥引洪範故事以為大臣不肅則雨不時若於是昌期與育皆罷而若訥遂代育為樞密副使公議非之改工部侍郎參知政事拜樞密卒諡曰文莊

高賦字正臣中山人也父尹右衛將軍賦以父任為右

班殿直復舉進士改奉禮郎遷太常博士累至太常少卿遷光祿卿特拜秘書監加直龍圖閣其守唐也增戶萬一千三百八十給田三萬一千三百二十八頃而山林榛莽之地皆為良田歲益稅二萬二千二百五十七作陂堰四十有四詔曰名杜南陽世稱循吏其亡久矣朕尚思之卿招懷饑流墾闢荒梗繕修陂堰績效具昭前人之良何以遠此賦再治唐凡五歲與前守趙尚寬皆蒙褒詔賦自直龍圖閣至集賢

院學士悉以墾闢之功也賦嘗言二府大臣或僦舍
委巷散處京城間有第宅亦公私非便宜倣前代丞
相於端門前列置大第俾居之又言國家置提點刑
獄司蓋欲平反獄訟使民不冤今諸路多以一員兼
河渠農政常平賊盜兵甲而刑書繁多省閱不給若
委之吏則為大弊請逐路置檢法官以專平讞疏駁
事多施行退居襄陽卒 賦為人剛嚴內實平恕所
居皆有善政吏民紀之衢唐二郡民為立生祠云

高懌字文悅高祖季興唐末徙荆南之地子孫因家焉
懌少孤養於外氏年十三能屬文通經史聞种放隱
終南山懌亦築室豹林谷放見而奇之與張堯許勅
號南山三友寇準薦之不起景祐中朝廷錄國初侯
王後懌推其弟忻得一官范雍守京兆延懌詔諸生
經從之者數百人康定中杜衍請賜以處士號特除
大理評事懌固辭仁宗嘉其守改賜安素處士文彥
博又薦其經行先嘗賜良田五頃矣至是復賜第一

區既又除光祿寺丞辭不受卒常夢白衣持書目為
白鹿洞主因作詩識之後二十年晝寢復夢之其卒
葬白鹿鄉

高荷字子勉故南王平苗裔元祐太學生也號還還先
生作詩數千篇拔出筆墨畦逕篇各有新意上黃魯
直長篇警句云蜀天何處盡巴月幾回彎因此得名
魯直跋其詩云子勉以杜子美為標準用一事如軍
中之令置一字如關門之鍵而充之以博學行之以

溫恭天下士也歷官陝西漕屬改秩燕山平獻凱歌
除直龍圖閣知涿州而終

高俅者本東坡先生小史筆札頗工東坡自翰苑出帥
中山留以予曾文肅文肅以史令已多辭之東坡以
屬王晉卿元符末晉卿為樞密都承旨時祐陵為端
王在潛邸日已自好文故與晉卿善在殿廬侍班邇
逅王云今日偶忘記帶篋刀子來欲假以掠鬢可乎
晉卿從腰間取之王云此樣甚新可愛晉卿言近創

造二副一猶未用少刻當以馳內至晚遣球賫往值
王在園中蹴鞠俟候報之際睥睨不已王呼來前詢
曰汝亦解此技邪球曰能之漫令對蹴遂愜王之意
大喜呼隸輩云可任傳語都尉既謝篋刀之況并所
送人皆輟矣由是日見親信踰月王登寶位上優寵
之眷渥甚厚不次遷拜其儕類援以祈恩上云汝曹
爭如彼好脚迹邪數年間建節循至使相遍歷三衙
者二十年領殿前司職事自球始也父敦復為節度

使兄伸自言業進士直赴殿試後登八座子姪皆為
郎充正員恩倖無比極其富貴然不忘蘇氏每其子
弟入都則給養問卹甚勤靖康初祐陵南下俅從駕
至臨淮以疾為解辭歸京師當時侍行如童貫梁師
成輩皆坐誅而俅獨死於牖下

見王明清
揮麈錄

朱勝非云高伸者因其兄俅隨上皇寵居八座父死
奪情予時在館中見之而王相黼翰林承旨丁憂李
相邦彥左承丁憂亦皆起復王未終制為執政李方

踰年拜右相日者高掄頗滑稽或謂其所言不驗掄
曰古術於今誠為無驗且如父母喪在命術大災今
但為虛驚或更曰激發耳

見長篇

毛 三百九十五

姓纂周文王第九子毛伯受封毛國因以為氏支孫
為周卿士毛伯過毛伯得並毛公之後也趙有毛遂
漢有毛公治詩趙人也為河間王博士毛萇亦治詩
為古訓

左傳僖公二十四年富辰曰周公封建親戚魯衛毛眡
文之昭也

文公元年王使毛伯衛來賜公命

史記毛遂趙使平原君合從於楚約與門下文武備具
者二十人偕得十九人毛遂願備員而行平原君曰
夫賢士之處世若錐之處囊中其末立見今先生處
勝門下三年未有所聞先生不能遂曰乃今日請處
囊中耳使蚤得處囊中乃穎脫而出非特其末見而

已卒定從而歸勝曰毛先生至楚而使趙重於九鼎
大呂以三寸之舌強於百萬之師遂以為上客

出平
原君

傳

魏志毛玠字孝先為丞相東曹掾典選舉其所舉用皆
清正之士貴寵之臣輿服不敢過度請謁不行時
人憚之居顯位常布衣蔬食賞賜以振施貧族家
無所餘

晉書毛寶字碩真為廬江太守豫章州刺史有重勲死

於王事 子穆之字憲祖果毅有父風為襄陽益州

刺史 安之字仲祖有武幹遷右衛將軍 璩字叔

璉以討桓玄功詔曰夫貞松標於歲寒益州刺史璩

匡翼之勲實感朕心進征西將軍 自寶至璩三葉

擁旄開國者四人 德祖兄弟五人皆有武幹累遷

冠軍司州刺史 次弟嶷嶷弟辯並有志節

南史毛修之字敬文祖武生伯父璩並益州刺史父瑾

梁秦二州刺史 修之為右司馬行司州事戍洛陽

修立城壘武帝善之賜衣服玩好當時評直二千萬兩

毛喜字伯武少好學善草隸 陳文帝立喜自周還和進好之策能結二國之好 後除黃門侍郎典軍國機密授永嘉內史不授俸秩政尚清淨人吏安之

毛遐字鴻遠世為首帥祖天愛太武至定州刺史傳至遐四世不絕遐任俠有智謀世為豪右士流貧乏者多被賑贍 弟鴻賓狀貌頗異氏羌見者皆畏之明

帝以為雍州刺史詔曰此以畫錦榮卿也

唐毛若虛絳州人眉長覆目天寶末為武功丞以酷吏稱

臯 三百九十六

臯陶之後左傳越大夫臯如風俗通漢有司徒長史臯
誨廣陵後漢梁鴻傳有臯伯通晉有揚州從事臯弘

蒿 三百九十七

見姓苑

教 三百九十八

顓頊師大教之後

褒 三百九十九

姒姓國禹後今梁州褒是也周幽王后褒姒也 河南

官氏志達勃氏改為褒

桃 四百

山陽姓苑云今山陽有此姓 范陽石趙將桃豹又特

進桃剛建平人

勞 四百一

其先居東海勞山因氏焉 渤海晉有三公郎勞霸後

蜀有尚書左丞勞彥遠 瑯琊後漢盜帥勞丙

牢 四百二

仲尼弟子琴牢之後以王父名為氏 漢中書僕射牢

梁石顯黨後漢有牢慎又黨錮傳牢修

名賢氏族言行類稿卷二十

欽定四庫全書

名賢氏族言行類稿卷二十一

宋 章定 撰

何 四百三

姓纂周成王弟唐叔虞裔孫韓王安為秦所滅子孫
分散江淮間音以韓為何遂為何氏

前漢何並字子廉為大司空掾何武高其志節舉能治
劇為長陵令道不拾遺 遷潁川太守名次黃霸

何武字君公蜀郡郫縣人治易以射策甲科為郎舉四行謂質樸端厚遜讓有行義行也弟顯家有市籍

租常不入市晉夫求商捕辱顯家顯怒武曰以吾家租賦繇役不為衆先奉公吏不亦宜乎卒白太守召商為卒史舉賢良射策拜諫議大夫遷揚州刺史二千石有罪應時舉奏為刺史二千石行部必行即學宮見諸生試其誦論問以得失然後入傳舍以為常後為御史大夫改大司空好進士獎稱人之

善為楚內火厚雨龔在沛郡厚雨唐及為公卿薦之
朝廷所居無赫赫名去後常見思功名畧比薛宣
後漢何敞字文高為汝南太守以寬和為政舉冤獄郡
中無怨聲百姓化其恩禮推財相讓者二百許人
何休字劭公質樸訥口雅有心思精研六經世儒無及
者作公羊墨守左氏膏肓穀梁廢疾

黨錮何顯字伯求顯名太學有聲荆豫之域後辭司空
府每三府會議莫不推顯之長

魏志何夔字叔龍以孝友稱魏初拜尚書僕射又為太
子太傅以親則有輔弼之勲以賢則有醇固之茂

晉何曾字穎考少好學博文位太傅進太宰侍中明朗
高亮執心弘毅可謂舊德老成國之宗匠者也性

至孝閨門整肅無聲樂嬖幸之好然務在華侈幃帳
車服窮極綺麗日食萬錢猶無下筯處二子遵劬

幼字敬祖遷司徒驕奢簡貴亦有父風遵四子嵩

綏機羨綏字伯蔚位至侍中及弟汰侈尤甚與人

書疏詞札簡傲城陽王尼見綏書謂人曰伯蔚居亂世而矜豪乃爾其能免乎人曰伯蔚聞卿言必相危害尼曰伯蔚比聞我言自己死矣及永嘉之末何氏無遺種

何充字次道器局方槩有萬夫之望徙中書令充居宰相以社稷為己任凡所選用皆以功臣為先不以私恩樹親戚

何無忌劉牢之之甥酷似其舅累遷江州刺史義師

之舉參贊大勲皆以筭略攻取為效

何琦字萬倫事母色養常患甘鮮不贍乃為郡主簿

母死不仕

何準字幼道穆章皇后父高尚寡欲弱冠知名兄充為
驃騎將軍勸其仕準曰第五之名何減驃騎兄弟中
準居第五散帶衡門唯誦佛經而已

何攀字惠興滎陽令上便宜十事甚得名稱遷大司農
轉兗州刺史居心平允涖官整肅雖居顯職家甚貧

素惟以周窮濟乏為事

何澄字季玄清正有器望累遷祕書監

南史何尚之字彥德曾祖準尚之仕宋累為尚書令今
執衡當朝畏遠權柄親故一無薦舉初為尚書令致
仕於方山著退歸賦以明所守議者咸謂尚之不能
固志 子偃字仲弘轉吏部尚書尚之去選未五載
偃復襲其迹世以為榮 子戡字惠景為吏部尚書
吳興太守 求字子有偃弟之子為丹陽郡丞清退

無嗜慾後隱於吳虎丘山 求弟點字子皙世論以
為孝隱士大夫多慕從之時人稱重通號曰游俠處
士 點弟肩字子季仕齊為建安太守政有恩信人
不忍欺每伏臘放囚還家依期而反 後為中書令
解職隱居若邪山兄弟皆隱世謂何氏三高 炯字
士光十五從肩受業一期並通五經章句從兄戢曰
此子非止吳門之寶亦為一代偉人解褐為揚州主
簿舉秀才累遷記室侍書御史

何昌富字儼望尚之弟子少獨立不羣所交必當世清
名是以風流籍甚 歷湘東南郡二太守皆以清白
稱卒於侍中 子敬容字國禮仕梁為建安內史清
公有義績吏人稱之守吏部尚書銓序明審號為稱
職 為吳郡太守勤卹人隱辨訟如神政為天下第
一吏人詣闕請樹碑

何承天宋初為尚書祠部郎性剛愎不能屈意朝右後
除著作佐郎撰國史時年已老而諸佐郎並年少荀

伯子嘲之常呼為妳母 博見古今為一時所重

曾孫遜字仲言弱冠舉秀才范雲見其策曰項觀文
人質則過儒麗則傷俗其能舍清濁中古今見之何
生矣 梁初兼尚書水部郎 遜從叔倜字彥夷亦
以才著聞官初不達作拍張賦以喻意至臺郎

何憲字子思任昉執秘閣四部書問其所知自甲至丁
書說一事莫見所遺位國子博士

循吏何遠字義方為武昌太守杜絕交遊餽遺秋毫無

所受除名再為武康令愈厲廉節除淫祠正身率職
人甚稱之梁武帝聞其能擢為宣城太守自縣為近
畿大郡近代未之有秩俸錢並無所取至皆生為
立祠表年政狀遷東陽太守疾強富如仇讎視貧細
如子弟特為豪右所畏憚清公實為天下第一
何佟之字仕威少好三禮都下稱其醇儒當世服其孝
行仕梁為尚書左丞

文學何思澄字元靜學工文重交結朝賢無不悉狎初

與宗人遜及子朗俱擅文名語曰東海三何子朗最多朗字世明早有才思語曰人中與與有子朗

文學何之元好學有才思著梁典三十卷

孝義何子平事母至孝除海虞令縣祿惟供養母一身不以及妻子幼持操檢雖處閭室如接大賓

北史何妥字栖鳳少機警八歲遊國子學時蕭脊亦有雋才住青楊巷妥住白楊頭時語曰世有兩雋白楊何妥青楊蕭脊仕周為太學博士

藝術何稠字桂林博覽古圖多識舊物波斯嘗獻金線
錦袍上命稠為之錦成踰所獻者

唐何蕃和州人事父母孝舉太學歲一歸父母不許間
二歲乃歸復不許凡五歲慨然以親且老不自安揖
諸生去乃共閉蕃空舍中衆共狀蕃義行白陽城請
留會城罷亦止初朱泚反諸生將從亂蕃正色叱不
聽故六館士無受汙者蕃居太學二十年有死喪無
歸者皆身為治喪

何澄粹親病剔股肉進親沒哭踊無數時號青陽孝子
何易于為益昌令縣距州四十里刺史崔朴常乘春與
賓客泛舟出益昌旁索民挽粹易于身引舟朴驚問
狀易于曰方春百姓耕令不事可任其勞朴愧疾去

鹽鐵官權取茶利詔下所在毋敢隱易于視詔書

曰益昌人不征茶且不可活矧厚賦毒之乎命吏閣
詔曰吾敢愛一身移暴于民乎亦不使罪爾曹即自
焚之 民有死喪不能葬者以俸救吏為辦名高年

者問政得失凡關民在廷丁寧指曉枉直不以付吏
獄三年無囚以俸代輸下戶賦遷羅江令刺史裴
休嘗至邑導侍不過三人廉約蓋資性云

五代何瓚閩人也唐末舉進士及第莊宗為太原節度
使辟為判官莊宗每出征伐留張承業守太原承業
卒瓚代知留守事瓚為人明敏通於吏事莊宗建大
號于鄴都拜瓚諫議大夫留守北京

何澤廣州人也父鼎唐末為容管經略少好學長於歌

詩舉進士為洛陽令唐莊宗好畋獵數踐民田澤乃
潛身伏草間伺莊宗當馬諫曰陛下未能一天下以
休兵而暴斂疲民以給軍食奈何恣畋游以害多稼
使民何以出租賦吏何以督民耕陛下不聽臣言願賜
臣死於馬前使後世知陛下之過莊宗大笑為之止
獵遷倉部郎明宗時數上書言事明宗幸汴又欲幸
鄴而人情不便大臣屢言不聽澤伏閣切諫明宗嘉
之以太僕少卿致仕居于河陽時年已七十晉高祖

入立名為太常少卿

宋朝何繼筠字化龍河南人也父福進仕後唐至周官至天平軍節度使福進節制鎮州繼筠補牙職宋興以繼筠為棣州團練使關南兵馬都監加防禦使太宗征太原繼筠奪并人汾河橋又敗其衆于城下擒其將以獻開寶三年太祖親征太原契丹來援繼筠屯石嶺關追奔數十里斬千餘級獲器用甚衆太祖命以所獲首級鎧甲示於城下并人奪氣以功拜建

武軍節度使繼筠屢以少擊衆在塞上二十年胡人畏其名繪其像而拜之 子承矩

何承矩字正則從繼筠討劉崇除開廐副使太平興國中監兵泉州以功遷開廐使知河陽徙譚州居六年除淄州刺史僉書滄州事時契丹數寇邊承矩請屯兵於順安砦西開易河蒲口引水築堤瀦水以助要害太祖用其策屬霖潦為患議者以為非承矩援漢魏至唐故事以折之詔以承矩為河北制置屯田使

民遂獲萑蒲魚蛤之利而稻田歲入亦助邊餉自是
高陽並海絕北人奔衝之虞自滄徙雄州契丹萬騎
夜逼城堞遲明承矩出戰獲其酋所謂特琳相公者
敵始引去復徙滄州真宗即位知雄州嘗上疏請和
戎為息民之利進英州團練使知澶州契丹修好真
宗益善其有謀又命知雄州拜本州團練使時敵使
初至承矩以為待之之禮宜得中庶可久也真宗嘉
納之

何郯字聖從成都人也舉進士由太常博士擢侍御史知雜上疏言宰相陳執中寡學參政丁度輕脫樞密使夏竦回佞皆不協人望不當在此位章累上言不已仁宗正色曰古之諫臣嘗有碎首者卿能行此否郯曰古者諫不行言不聽故臣有碎首今陛下從諫如流何用此舉必若碎首龍墀則美歸於臣子而過在君上臣不忍為也仁宗悅

何執中字伯通處州龍泉人也舉進士為台州推官久

之為國子監教授以經術醇深除太學博士諸王府
記室遷侍讀徽宗即位拜寶文閣侍制提舉萬壽觀
遷中書舍人歷兵部侍郎遷尚書崇寧四年為尚書
左丞大觀元年遷中書門下侍郎三年拜特進左僕
射政和二年加司空進少傅三年假太宰加少師封
榮國公六年以太傳就第朝朔望於是徽宗曰自相
位得謝古難其人本朝數十年無此事執中曰唯張
士遜以太傳鄧國公就第徽宗曰當時恩禮恐未必

爾其眷遇如此執中性謹畏嘗戒邊吏無生事節浮
費惜人才寬民力每為徽宗言之自以由攀附恩致
位宰相雖居富貴未嘗忘貧賤時斥緡錢萬置義庄
以贍宗族薨贈太師清源郡王諡曰正獻 子正同

何灌字仲源開封祥符人也由武舉為府州黃河東岸
巡檢遼聚兵于山馳薄官軍灌迎高射之發輒中或
著崖石皆沒鏃後三十年遼臣蕭太師者會灌於雄
州嘆何巡檢神射灌曰灌是也累功遷內閣崇班知

寧化軍隍州姚雄為經略使初墾田法募民開耕出粟灌曰墾田固良法然民與牛皆足其地官田多墾則私田必荒是設法奪民也時城東決達原有間田近千頃灌命引邈川水溉之悉為沃壤號廣利渠遼使來賜射玉津園灌以選伴射一發破的再發則不遼使曰太尉殆不能邪灌曰非不能也以禮遜客也整弓復發則又中徽宗親酌寵勞之除侍衛親軍都虞侯金人南下朝廷出禁卒付內侍梁方平守瀋

川灌謂宰相曰金人傾國遠來其鋒不可當萬一方
平不支梧何以善後乎詔灌迎敵沒于陣

何鼎字文績仙井人也舉進士第一除校書郎欽宗即
位入翰林為學士擢拜尚書右丞遷中書侍郎時議
割三鎮未決鼎持之甚堅曰三鎮國家之根本奈何
一旦棄之況敵情變詐百出安可保其必信割之亦
來不割亦來且河北之民皆吾赤子棄地則井其民
棄之為民父母而棄子可乎欽宗然其言方金之再

入犯也。梟之杭州。陞辭留領。開封尹。欽宗幸金營。梟從以出。梟在敵中不食而死。年三十九。後有自金營還者言。梟死狀始。贈觀文殿大學士。梟在金營題詩云。念念通前劫。依依返舊魂。人生會有死。遺恨滿乾坤。

何顏之字斯舉。黃岡人。自號樗叟。篤學善屬文。東坡先生謫居齊安。斯舉少年因侍教誨。黃魯直嘗與書云。昏塞不記貴字。欲奉字曰斯舉。取色斯舉矣。翔而後

集但恐或犯諱字爾又云觀斯舉詩多自得之它日
七八少年皆當壓倒老夫但須得忠信孝友深根固
蒂則枝葉有光輝矣斯舉連蹇場屋晚得一官韓子
蒼守是邦獨與唱和蓋所謂友其士之仁者歲在戊
申予將漕湖陰斯舉出坡谷諸公簡牘數巨軸其子
琥至今藏之琥亦好學有文

見百家
詩選

羅 四百四

姓纂祝融之後妘姓國初封宜城徙枝江周末居長

沙漢有梁相羅懷襄陽記有羅象 河南官氏志叱

羅氏改為羅

晉書羅憲字令則襄陽人十三能屬文輕財好施為巴東太守忠烈果毅有才策器幹 兄子尚字敬之為益州刺史

羅企生字宗伯多才藝初拜著作郎

文苑羅含字君章夢鳥入口藻思日新可謂湘中之琳琅桓溫問含何如人或曰可謂荆楚之材溫曰此自

江左之秀豈惟荆楚而已 累遷至侍中及致仕還家階庭有蘭菊叢生以為德行之感

南史羅妍字深微少有材辯 為蜀郡別駕蜀土以文達者唯研

北史羅結代人魏太武初累遷侍中外都大官總三十六曹事年一百七歲精爽不衰太武以其忠慤甚信待之監典後宮出入卧內 後歸老賜第東川并為築城號曰羅侯城 朝廷每有大事驛馬詢問年一

百二十卒 子斤以戰功除都大將

唐羅珣越州人擢廬州刺史修學宮政教簡易有芝草
白雀杜佑上治狀賜金紫服遷京兆尹請減平糴半
以常賦充之人賴其利

羅讓字景宣珣子以文章早著舉進士宏辭賢良方正
皆高第為御史中丞有仁惠名或以婢遺讓者問所
從答曰女兄九人皆為官所賣留者獨老母耳讓慘
然為焚券召母歸之

羅藝襄州人勇攻戰善用槊大業末太原唐公起遂從
羅士信來降高祖拜陝西道行軍總官

羅道琮蒲州人慷慨尚節貞觀末上書忤旨徙領表後
擢明經仕至太學博士為時名儒

羅隱錢塘人工詩尤長於詠史唐宰相深器之隱累舉
進士不第錢鏐辟為從事官至給事中

五代羅紹威繼父弘信為魏博節度使遣使告梁乞兵
盡誅牙軍朱全忠留魏半歲紹威供億所殺羊牛遠

近七十萬資糧稱是所賂遺又近百萬比去蓄積為之一空紹威雖去牙軍之逼而魏軍自是衰弱紹威悔之謂人曰合六州四十三縣鐵不能鑄此錯也

宋朝羅處約蜀人也舉進士為臨渙簿再遷大理評事知吳縣王禹偁與為倡酬人多傳誦處約與禹偁召至京師太宗自定題以試之以禹偁為右拾遺處約為著作郎皆直史館

和四百五

姓纂義和堯時掌天地之官和仲和叔因以為氏晉
有和組父漢有和武

魏志和洽字陽士舉孝廉後為尚書令清貧守約至賣
田宅以自給封西陵鄉侯子迨才爽開濟官至廷
尉吏部尚書洽清和幹理一世之美士也

晉書和嶠字長輿迨之子有盛名於世朝野稱其能整
風俗理人倫遷潁川太守為政清簡甚得百姓歡心
庾凱見而歎曰嶠森森如千丈松雖礫砢多節目施

之大厦有棟梁之用 後為尚書光祿大夫

北史和跋代人世領部落為魏附臣跋以才辯知名道
武擢為外朝大人叅軍國大謀雅有智筭

和其奴少有操行善射御文成初累遷尚書左僕射在
官慎法不受私請

和洪勇烈過人仕周以軍功位車騎大將軍

唐和逢堯岐州人武后時負鼎闕下上書後十年乃舉
進士高第突厥默啜請尚公主逢堯以御史中丞攝

鴻臚卿報可然啜遣頡利來曰詔送金縷具鞍乃塗金
非天子意使者不可信雖得公主猶非實請罷和親
逢堯曰云云默啜信之為斂髮紫衣南面再拜稱臣
逢堯以使有指擢戶部侍郎 唐興奉使者稱逢堯
五代和凝字成績鄆州須昌人也其九世祖逢堯為唐
監察御史其後世遂不復官凝父矩性嗜酒不拘小
節然獨好禮文士每傾資以交之以故凝得與之游
而凝幼聰敏形神秀發舉進士梁義成軍節度使賀

瓌辟為從事瓌與唐莊宗戰于胡柳瓌戰敗脫身走
獨凝隨之反顧見凝麾之使去凝曰大丈夫當為知
已死吾恨未得死所耳豈可去也已而一騎追瓌幾
及凝叱之不止即引弓射殺之瓌由此得免瓌歸戒
其諸子曰和生志義之士後必富貴爾其謹事之因
知貢舉是時進士多浮薄喜為諛譁以動主司主司
每放榜則圍之棘閉省門絕人出以為常凝徹棘開
門而士皆肅然無譁一時之秀稱為得人晉高祖

數召之問以時事拜同中書門下平章事漢高祖時
拜太子太傅封魯國公卒凝性樂善好稱道後進
之士唐故事知貢舉者所放進士以已及第時名次
為重凝舉進士及第時第五後知貢舉選范質為第
五後質位至宰相封魯國公官至太子太傅皆與凝
同當時以為榮

宋朝和誥字子美濮州鄆城人也以蔭補三班奉職為
河北副將累轉內殿崇班知岢嵐軍稍遷西上閤門

使知雄州改右武大夫威州刺史詵因上制勝強遠
弓式施行之弓能破堅於三百步外邊人號為鳳凰
弓轉拱衛大夫榮州防禦使遷侍中大夫相州觀察
使時金人數犯契丹童貫帥師巡邊至高陽關召詵
問以計策乃言南北兄弟之國誓好百有餘年今師
出無名宜按兵觀釁戒諸將無妄動貫愕然乃命詵
兼統制副种師道詵還瓦橋貫亦至而軍前統制楊
可世入北境而敗詵語師道斬可世以徇師道不從

引軍宵遁詵亦徒行亂兵間踰宿入雄州遼師至城
下而還貫奏詵不從節制責豪州團練副使筠州安
置徽宗亦詔貫班師會耶律淳死蕭太后立朝廷復
詔貫母歸及收復燕京肆赦以詵初議不戰獨不放
還後數月蕭幹出盧龍攻破景州又敗常勝軍于石
門鎮薊州寇掠燕城人情怵怵有謀棄燕者徽宗於
是思詵言召還復正奉大夫宣州觀察使卒贈安化
軍承宣使

娥 四百六

見姓苑

北史娥清代人也少有將畧著戰功遷黃門侍郎明元
以為中領軍將軍渡河畧地至湖陸遂鎮枋頭進爵
東平公 子延賜爵南平公

柯 四百七

錢塘宋書沈文季傳錢塘富人柯降 齊書南充州典
柯益孫 河南官氏志柯拔氏改為柯氏

繁 音婆四百八

左傳殷人七族有繁氏 漢有御史大夫繁延壽 潁

川魏丞相主簿繁欽字伯林 後漢益州刺史繁興

番 音婆四百九

姓苑吳芮封番君支孫氏焉

蛾 四百十

左傳晉大夫蛾析之後

過 四百十一

夏時有過國子孫氏焉漢有兗州刺史過栩急就章過
說

戈 四百十二

夏時侯國為少康所滅因氏焉

渦 四百十三

楚大夫封渦因氏焉三輔決錄扶風太守渦尚

邠 四百十四

風俗通朝邠東夷也其後單姓氏後燕錄遼西太守邠

頡西魏有揚州刺史郇春

備音多亦音朋四百十五

漢南山盜師備宗

車四百十六

姓纂漢武帝時丞相田千秋以年老詔乘小車出入
省中時號車丞相子孫因為氏 河南官志後魏獻
帝命疎屬曰車焜氏改為車氏

晉書車胤字武子聚螢讀書風姿美劬機悟敏速甚有

鄉曲之譽以寒素博學尤善於談會每有盛坐而肩
不在皆云無車公不樂領國子博士為吳興太守
丹陽尹遷吏部尚書

車濟字萬度果毅有大量為金城令

北史車伊洛世為東境部落帥恒修職貢延和中授平
西將軍

車路頭代人也少以忠厚選給東宮為帳下帥明元立
拜忠意將軍每評獄處理常獻寬恕之議以此見重

於朝

巴 四百十七

姓纂代本云巴子國子孫以國為氏亦見左傳後漢
揚州刺史巴祗

前漢巴寡婦清其先得丹穴而擅其利數世婦能守其
業用財自衛人不敢犯始皇以為貞婦而客之為築
女懷清臺

後漢巴肅字恭祖渤海人

麻

四百十八

風俗通齊大夫麻嬰之後漢麻光為御史大夫又麻達
論語唐左司郎中麻察 太原狀云石趙梁州刺史
廣平麻秋之後 唐功臣左金吾大將軍涼國公麻
宗賜姓李氏改名廷昌子藏珍

家

四百十九

左傳周大夫家父之後風俗通漢有家羨 北海家羨
為劇令子孫因居焉

嘉 四百二十

左傳晉大夫嘉父欒氏黨

瑕 四百二十一

左傳周大夫瑕禽晉有瑕嘉漢有廷尉瑕更又有瑕倉
齊郡瑕倉為膠東相子孫因居齊郡

茶 徒加反蘇林云音瑯
瑯之瑯四十二

漢書江都易王傳有王子茶悟 彭城吳志衛尉茶頴
生條太子少傳幾臨川太守

牙

四百二十三

風俗通云周穆王司徒君牙之後以王父字為氏

衙

四百二十四

秦穆公子食采于衙因氏焉漢長平令衙敬卿七代同

居

沙

四百二十五

姓苑東莞有沙氏

余

四百二十六

南昌洪州有余氏開元有太學博士余欽洛陽唐佑

郎中余珩祖集隋考功主事

蛇 四百二十七

南安姚秦錄姚萇皇后蛇氏兄越滂南安太守又有建武將軍蛇玄臨晉太守蛇也

諸 音遮 四百二十八

吳郡後漢洛陽令諸於

把 四百二十九

本姓巴氏東樓公之後後漢靈帝時巴匡避董卓難改
為把氏安定把匡為安定太守因居焉

查

四百三十

宣城涇縣武德池南宕二州刺史查文熙 鄱陽貞元

富人查祥

媯

四百三十一

氏女媯氏之後

花

四百三十二

唐有倉部員外郎花季睦

名賢氏族言行類稿卷二十一